

乾

隆

鄞

縣

志

鄞縣志卷七

壇廟

有民人而後有社稷風雲雷雨山川先農武廟龍神火神天后城隍厲壇祀典之通於天下者也鄉賢名宦既已祀諸學宮而或別有專祠準以報功崇德之義固爲允當至於里社之神多出鄉氓附會然春秋祈報水旱疾癘禱賽往往有驗則亦有功斯土者矣用并志之城中四鄉各以坊隅道里爲次

壇

社稷壇縣南二里

寶慶志

社壇舊在子城西南一里所謂

社壇橋是也宋亡社廢元改建今在鄞縣城西隅大卿橋
風雨雷師壇今在鄞縣甬東隅鄞縣社壇風雨雷師壇以
附郭未建延祐志元制社稷祀於西南郊遂徙今地而風雲
雷雨師壇則在甬東隅後復合社稷雷雨竝祀其制前則
社東稷西面北後則雷東雨西面南至正間達魯花赤忽
欲理特修崇之明洪武初拓故址築壇五丈高三尺四出
陛各三級繚以周垣設四門由北門入埋石主於壇南祀
府社府稷而別於城南甬水橋東築壇三丈五尺高二尺
五寸坐子向午四出陛午陛五級子卯酉皆三級亦設門
垣如社稷制由南門入列風雲雷雨之神於中境內山川
之神於左城隍之神於右以祀焉正統三年知府鄭珞新

其門垣重建齋宿房神廚庫房宰牲房久而頽損成化二年知府方達修葺房屋門墻及山川郡厲壇悉加修理成化

志社主稷主埋石北向後用木主題曰府社府稷之神而

鄴則統祭於府嘉靖三十年知府孫宏軾重修三十五年

知府張正和鼎新之嘉靖今門垣房庫俱廢惟壇存歲以

春秋仲月上戊日致祭

國朝雍正五年部頒定式每案用羊一豕一帛一劍一籩

四棗栗鹽棗魚豆四韭菹醢醢菁菹鹿脯簋二黍稷簋二

稻梁曹

王元恭議曰社主土稷主穀勾龍平水土祀以配社后

稷植百穀祀以配稷風師箕星也雨師畢星也社稷自天子之都至於國里通得祭而風雨師唐以來諸郡始得祀若雷師則又唐制與雨師同壇其牲而祀者也王

禮記卷之六 禮記卷之六 禮記卷之六

制曰天子社稷皆太牢諸侯少牢謹按大元通制春秋
 二仲戊日祭社稷於西南郊立春後丑日祭風師於東
 北郊立夏後申日祭雨師雷師於東南郊社稷壇於城
 西南度地之宜方二丈五尺高三尺四出階三等築垣
 為四門於內祀東稷
 西社稷壇其制一也
 范欽記曰郡故有社稷壇在子城西南勝國初徙今地
 已乃合祀風雲雷雨我明就故壇增拓專祀社稷壇廣
 五丈高三尺四出階各三級上樹石圭北向外設四門
 緣以周垣視昔蓋嚴日備正統三年知府鄧公珞肆加
 營葺成化三年知府方公遠稍飾治之於今且百年矣
 雨水風日侵蝕剝蝕蒼莽叢生蛇鼠窟穴又隣比閭閻
 舟徒給繹雞豚四集積垢成阜守人曠惰莫或訶禁每
 值齋日所司輒寄民居苟且卒事率以為常南昌張公
 正和來莅蒞喟曰予奉聖天子命典社稷願茲荒陋將何
 以對越明神於是按規度宜捨材程役爰其蕪翳品其
 階列壇式崇松柏羅植門垣翼衛扇鑄惟謹西又構
 齋廡五十餘楹井庫庖湍錯陳曠列始事丙辰冬十一
 月至明年二月餘工適舉春祀公率吏民咸赴齋所靖
 共肅謐即事之夕天朗氣和牲饋圭潔香幣芬郁登拜
 奠獻秩秩有虔儼若明神陟降左右神威忻喜秋遂大
 有護咸稱神貺臨答吾郭尹京口夏君儒謁予紀其事

夫社稷之祀肇自顓頊蓋社神五土稷神能生五穀人非土不立非穀不生故秋祀其位社左稷右其土祀方其木視宜其表以樹其尸或以主其玉兩圭有邸其牲太宰或少宰其幣黑其日用戊或申其服絺冕其獻三其樂靈鼓奏太簇歌應鍾舞咸池其配以勾龍柱或易柱以棄自高辛唐虞而下禮有隆殺祀則一而已夫邱陵墳衍表啜防庸且列祀典今乘持陰德游揚元化奠民居極民食若斯者非所謂有功則祀與而世人臨政濶畧則馳騫於聲利猥瑣則拘牽於簿書又或逡巡避忌靡所事專慢神褻祀以為細故視公為何如也公廉正仁敏由丁未進士守循移吾郡諸廢竝興此特其一者今晉湖廣按察副使若丞番禹侯君國治倅關中段君在昆明周君儒理常熟查君光述皆預贊翊而夏君儒實經度之董其事者則鄞邱丞民感黃崗人銘曰赫赫明靈典司土穀綏和烝黎著功南服稜稜方壇在郡之西國典崇禋時報時所蕪穢不治歲日滋久嗟誰軫心越惟太守太守幾何公功實多有壇邱巖有廬星羅詭深靜密神式惠顧播地之能薦天之祐雨暘時若災沴竝蠲庶佑我民於萬斯年

風雲雷雨山川壇建置祭器俱見社稷壇下

志成化

戴鯨記畧曰按四明圖經與郡乘風雲雷雨境內山川
 神壇舊在城南甬水橋東北正統間守三山鄭瑤嘗治
 而飾之南向中為風雲雷雨左山川右城隍環壇樹以
 松栢門垣庖庫齋居悉備涉歲且久漸致傾圮郡縣官
 屬散齋於野罔致潔虔神用勿格旱暵札瘥民罔克艾
 南昌張侯先受撫臺之薦至則自衢越明年二仲陳主
 而祭顧瞻咨嗟圖謀集議稽經詠典祀不可緩在南則
 仍其故迹而一新之完其壇壝繚以周墻四門竝立雲
 氣鬱葱明宮齋廡尊卑有序神厨庫所悉加整嚴堂廓
 而容室達以密計其楹三十六度其墉千百尺仲春既
 臨將事之夜侯乃率寮案盛服執笏以入卽事小大協
 恭莫不競趨馨香上通川嶽效靈甘澍與布五穀繁植
 民既賴茲受其福咸曰耿耿祖哉是其所以大造於
 吾人者如此可不重與鯨聞之周禮壇壝屬之冬官庭
 燎共於司恒帷綬張於幕人六卿與事其禮不為不重
 唐朝六與社稷異壇開元宰相之識精矣巽峯張侯本
 之經術以潤飾吏事教先廟學而及壇祀規制簡嚴氣
 象閭偉深得國家建立禮文之本意將與古之循良竝
 置金石庶幾遺風俟名正和字以禮嘉靖丁未進士前
 由司寇大夫出守衢州其政績卓著皆不可以不記

先農壇城東十九都

國朝雍正四年奉

旨建置壇高二尺一寸寬二丈五尺正殿五間中奉先農神位東間存貯祭器西間存貯藉田米穀配房二間大門一間藉田四畝九分每歲仲春部頒致祭日期祭品照社

稷壇例

曹志

里社壇卽今土穀神坊隅鄉都隨地建設皆如里之數

嘉靖志

郡厲壇城西隅及五十都界明洪武三年頒降列式建壇

高二尺五寸方濶二丈南向立門壇之東南立石刻御製

祭文

成化志

府城北門外一里

嘉靖志

歲以清明中元十月朔

致祭先期道迎城隍神位於壇榜無祀鬼神而祭之祭用

羊三豕三飯米三石香燭酒紙隨用

曹志

鄉厲壇附郭坊隅共五十六所鄉都共三百九十二所

嘉靖志

城中祠廟

府城隍廟在子城西南五十步梁貞明二年刺史沈承業

建宋嘉定九年攝守程覃奏賜額靈佑

延祐志

府東南二里

握蘭坊元帝師殿故址舊在府西南嘉定十三年燬守俞

建創新之元至大二年又燬延祐七年重建明洪武二年

封監察司民城隍威靈公四年燬守張琪徙建今地正統

三年守鄭珞重修十年守陸奇肖像成化元年守張瓚大

為修繕

成化志

後屢圯屢葺

嘉靖志

國朝雍正四年重修歲以春秋仲月上戊日合祭山川壇
曹乾隆五十一年知府陳鍾琛鄞縣知縣錢維喬創捐募

民重修

黃潤玉記曰明之為州本春秋於越兩東也山川包絡
有金湯之固土壤衍沃無災厲之虞加之民俗淳龐雖
中原喪亂恬然絕草竊狼降之警故天下衣冠之避亂
者多歸焉初秦郡會稽分縣甬東曰勾章治在它山曰
鄞治在鄞山曰鄞治在奉川漢晉宋齊梁陳因之隋平
陳併鄞鄞人勾章唐武德中以勾章為鄞州尋革為鄞
縣開元末始置明州城勾章之墟天寶初改為餘姚郡
至至德中復為明州大歷六年鄞縣破寇移治過鄞江
卽今之附郭鄞縣也時未有郡城隍神祠長慶改元州
刺史韓察上言明州北臨鄞江地形卑隘請移置鄞縣
乃徵舊城立子城於今治唐末天下大亂刺史黃公晟
率鄉兵增築外羅城十八里以大之梁貞明二年郡守
沈承業始建城隍神祠州治西南嘉定九年攝守程
覃奏賜廟額曰靈佑寧宗卽位陞州為慶元府元初易
府為路察天下城池窮因弗葺皇明大一統復明州置
府而大其治凡天下城隍之神皆封爵曰監察司民城

隍顯佑伯惟時廟祀隘陋莫稱洪武四年春正月廟災
 部守張公琪以郡治南程萬坊故元帝師殿為廟以祀
 神期八百年於茲矣先是洪武二年五月日詔命依古
 定制凡嶽鎮海濱竝去其前代所封名號止以山水本
 名稱其神郡縣城隍神號一體改正至十四年易明州
 為寧波乃正神號曰寧波府城隍之神禮也舊制凡命
 官親民於茲者視印之日必先期齋宿牲祭以與神誓
 曰予倘怠政奸貪陷害僚屬凌虐下民神其降殃至三
 載奏績去任而復官皆祭於神如初歲祀郡厲則又迎
 神以主之其享祀之盛非第社稷山川羣祀春秋歲徧
 而已祀典既盛神靈丕著禱即應感即通歲或雨暘愆
 期民必戚於神而神休於民者多矣今郡守陸公下車
 之明年歲旱公禱於神而天雨又明年歲旱公復禱於
 神而天雨公光州人也由進士官戶部主事嘗有德於
 人立生祠於三河而鄞之父老感公之德者亦何敢一
 日而忘之惟公治民以仁事神以誠故神格而民信於
 是聞郡之民復請位城隍神之象於廟進衣冠而事之
 廟貌聿新成靈烜赫文武交賀士庶具瞻時正統乙丑
 十一月十日也載期丙寅公將獻績於朝知鄞縣事楊
 侯壽率士民請鑄文履之碑以記廟貌所始公諾之屬
 筆於子子謹著其實而系之須禱神詞俾明之人歌以
 祀神於無窮辭曰神之同兮城與隍民所恃兮保而防

朝有命兮官斯邦神與誓兮陰鑒陽靡而明兮神降祥
貪而暗兮神斯殃祀典昭昭兮與國無疆牲奠御兮醪
奠觴神來歆兮神來嘗時雨場兮歲豐穰驅疫厲兮人
壽康官斯邦兮祿位昌兵司衛兮威武揚神歲歲兮其
樂無

縣城隍廟邑附府故行禮亦附於府城隍寶慶志元明皆未

立

國朝乾隆三十四年始建於縣南大梁街采訪冊

本府土地祠在府治內東南嘉靖志

府學土地祠在學宮內西南嘉靖志

本縣土地祠在縣治內東南嘉靖志

縣學土地祠在學宮內東南嘉靖志

重恩祠在縣治前古堦坊之北爲重閣上祀宋邑宰王安

石下祀明邑令王章章有惠政後以御史殉甲申三月十
 九之難邑人歲以是日祭焉宋縣治在開明坊分司之址
 曾作經綸閣以祀久圯紹興間其曾從孫煜宰邑重建明
 時建於今縣治之前仍以經綸閣名即重恩祠也闕志

徐度記曰或謂君子之仕為郡邑既去而能思之不忘
 在古或有後世則難而邑其尤也何哉古之為邑位均
 子男南而聽事生殺子奪悉由以出而無有疆歸於其
 間故得以行其志後世為邑品秩卑而法令繁品秩卑
 則選任輕法令繁則牽制衆以秩卑之吏而迫於繁令
 之拘其治效之難成固宜是或一理也而未之思夫君
 子無其仕則已仕則未嘗擇官焉居是官也則必事其
 事就其力之所可為而為之上可以禔於公下可以
 於民安有難易之時云乎惟怠者將以遂其私則常以
 不得為自解誕者將以肆其夸則常有所不屑也胡不
 以聖人之事觀之乎昔孔子初任為中都宰制為養生
 送死之節長幼異節強弱異任男女別塗路無拾遺器
 不雕偽行之三年而四方之諸侯則焉孔子固覆生人
 之器也顧屈為一邑而諄諄於教化如此惟其無有不

屑之心故歟且迹夫聖人之所為其稽之當今之法令
 皆明以勸獎而誘使為之者也故相國荆文王公慶歷
 中嘗以廷尉評事來為鄴令於時年甚少氣甚銳而學
 甚富其志意之所存遠矣茲爾一邑固區區者宜若無
 足以為而公初無不居之心日夜惟以為民興利除害
 為事距今蓋一百九年矣而其所以興起之蹟尚班班可
 攷遺民子孫常相與傳誦其事指其蹟而懷思之是
 真知學夫聖人之為安能及此宜邑人思之愈久而愈
 不忘也初公既歿當元祐中為令者嘗因邑人之思即
 治所公昔燕休之地作為重屋肖公之像而祠之名曰
 經綸閣中遵兵火久廢弗復紹興二十有四年公之弟
 校理府君諱安國之曾孫右通直郎熒來莅茲邑自以
 獲踵其先世故治為榮規焉推前人之心以施於治
 不敢少自怠弛居無幾何邑人安焉相與言曰文公之
 德邑人所不敢忘也而公之諸孫復來治我使無意
 於民猶當謹以事之况其賢稱其家哉惟是經綸之閣
 久廢不復其何以示吾子孫而慰吾賢大夫之思矧朝
 廷清明郡政安靜治新斯閣今也其時乃鳩工聚材而
 請於太守貳卿王公公方以儒術為治亦樂夫有助於
 教化也而許焉閱七十日而告訖功凡材燧磚坯葦竹
 之費土木工人之直一出于民之願輸而官無所預焉
 既而煜以書來告度曰閣之復也非我實使之民惟吾

家相國之不忘是，不可以不有紀述也。子於我有連，其
 為我書其事，度辭謝不敢當。書再三返，而請益勤。曰：吾
 志歲月為煢字子華，謹飭好學，能守其家教者，也。
 王章記曰：宋宰執荆公山鄞，令起家博古好學，構傑閣
 讀書其中，凡為民詰戎入而平章軍國者，即其撫鄞時
 日，箕欬而手簡書之，緒餘也。鄞民詠歌其德於棠茂所
 駐，尸而祝之，顏曰：經綸閣表異也。實以志愛也。歲久閣
 圯，盡洿。互襟帶古者，啼嗷久之，癸酉小春，子治裝入計
 邑人王元等謀所以鼎新，且為子未思夫荆公相業實
 可堯舜其君，惟執拗之識，為蜀洛諸公所齟。吏茲土者
 撫其遺風，自當崇其畏壘，若邱垤齊於泰山，則顏甲萬
 重矣。住僧焚修之暇，欲以施茶，廣緣當此火窖飛蛾相
 煎，日迫得分善提甘露，何莫非新法中一帖清涼散也。
 如日經綸世澤灑潤十方，請還頌荆公以歌帝力。

王荆公祠縣治東八十步，又名實聖廟。安石宰鄞，有惠政
 民思而祀之。明嘉靖二十四年，邑令徐易徙建鎮明嶺上。
 後建正學祠於其所，仍歸舊地。旋以郡守姜昂、張津、楊最

曹誥沈愷附祀歲時郡邑致祭

志聞

楊言記畧曰昔者召公有甘棠之詠羊祜有峴山之悲
總之德在一方則一方之人祠之古也遑恤其他荆公
在宋不為治人在鄞則有治法觀志所稱慶歷間為鄞
邑宰以政簡樂讀書為文率二日一視事起隄堰決陂
塘立學校嚴保伍其所貽民皆安久之計視諸苟且以
希數易而不欲為民植歲月之謀者遠矣至曰觀農務
業區別善惡習俗丕變則郡守錢公輔之所為記也當
是時民思德而生祠之庶幾亦甘棠峴山之意耳語厥
祀典非富不廢者哉而舊祠湮圯更置二憲署之間宮
宇湫隘官吏停廢非崇祀之意也徙鎮四明不亦兩得
之乎於是呼鎮明守宇僧慧而詔之徙佛像於側室鳩
工起廢奉荆公居焉侯致與題額尚事也錫鎮羽戶籍
及沒官地利歲時奉祀是嶺也地脈南山湖襟日月宸
郡治而為其鎮亦大觀也而為佛氏所竊一日遇君子
而為先哲祀地易邪以為正崇禮以報
德不類是與歲在戊申夏四月落成

猛將廟在縣東二里神姓李名顯忠高宗避難神扈駕防

送御舟出海祥颺送颺賜爵猛將重節武功大夫水旱疫

癘蕃舶海船有禱即應撥官地一片興建祠宇

延祐志

今祠

廢而址存

成化志

案宋史李顯忠以紹興九年始達行在高宗避難

在建炎三年其時顯忠尙未歸宋此扈從之李顯

忠別是一人

東殿廟在東北隅

延祐志

團橋東

成化志

相傳分祀鮑蓋又有

西殿廟南北二殿廟皆其神也

采訪冊

藥皇廟在城東冲虛觀左

國朝康熙四十七年商民捐建置田贍祭

曹志

華樓廟在開明橋南祀鮑蓋

采訪冊

案泥橋巷後有烏樓廟大池頭有楊家樓二境廟

皆其分祀也

海神廟在東渡門裏延祐志縣治東南一里鹹塘滙相傳神

姓羅名清宗好修黃白飛昇職統海中諸龍神禱雨即應

元至正間遷祀於此聞志乾隆五十二年重修采訪冊

沈令祠縣治東南一里明嘉靖間邑令沈繼美多善政民

立祠祀之聞志

助海龍王廟在三法鄉神姓孔名七傳宋南渡時建采訪冊

都土地廟在三法鄉神姓張名憲宋時建廟采訪冊

蓮花棚廟在泥橋巷口大街采訪冊

石版廟在車橋下南首明萬歷年建采訪冊

皂莢廟在車橋南首采訪冊

護城廟在靈橋門內康熙間重修

宋詩

報恩祠在靈橋門內明萬歷間邑人御史林祖述建祀郡

侯蔡貴易暨其子海道副使蔡獻臣

志

東嶽宮

舊名東嶽奉聖行宮

在東南隅獅子橋東唐朝建立宋建炎

兵火歸然獨存至元二十六年燬

延祐志

大德間主奉陸貴

和募木路總管拜降重建又市宮後地為寢未就後拜降

之子為路治中遂興建之總管王元恭修飾始完

至正續志

大中祥符間賜額奉聖明成化間郡守方遠重修其後屢

嘗修葺

志

鄞江廟在東南獅子橋東舊有鄞江門故建

延祐志

祀鄞江

先生王致舊志繆

嘉靖志

卽元時張式良所建鄞江書院故

址也聞志

案寶慶志有鄞江門庫鄞江樓延祐志鄞江門來安門漁浦門達信門今皆廢則鄞江廟以鄞江門得名祀關廟之神猶之舊有達信門延祐成化二志皆有達信廟也聞志以鄞江書院當鄞江廟攷王先生書院竝不在湖上舊有鄞江書院與廟相近者乃鄞江山長張式式元末儒者而鄞江廟延祐時已載入志則廟在前書院在後不得以廟爲書院之故址矣全謝山嘗辨之

嘉祐廟在大沙泥街相傳祀三國時龐統采訪冊

祥符廟在大沙泥街唐時建采訪冊

白龍王廟在延慶寺東

延慶志

俗傳宋建炎間里人苦旱祈

於山陰王氏兄弟得雨遂建生祠嘉定十三年火十五年

見象於地人異之復立廟景定五年制封為神歲久祠傾

明末樂十一年夏大旱適浙江布政司參議岳福寓延慶

夜夢一白髯人來謁曰吾寺東龍王也廟久汙穢莫能致

澤於民汝其圖之岳驚覺詢之寺僧果得此祠遂逐軍婦

之寄居於內者明日大雨命鄉人新其廟宇

成化志

全祖望曰錫益浦龍相傳卽南湖所從成
化志以神為山陰王氏兄弟其言不經

曾宣靖公祠在延慶寺按天寶中公遊延慶主僧夜夢伽

藍神告之曰翌日相公來可恭迓之公至僧以夢告至大

拜請於廟置田闢舍大啟法席延慶之名播於天下寺僧

圖其像而祠之乾道歲久祠廢成化

李將軍祠在延慶寺右祀

國朝浙江提督李顯祖閩志

梅園廟在日湖采訪

宋義莊廟在日湖西宋時義莊之神也采訪

柴家廟在縣治南半里許祀五行之神唐光啟中建別有

蔣家廟郁家廟大樹廟皆其神也其神位曰五顯靈官之

神蓋俗所傳云嘉靖

火神殿在右營教場乾隆二十九年重建具呈

毓嘉廟縣治南一里司巷內舊名郁家廟侍郎全元立改

今名閩志

府主廟在縣治南靈應廟分祀也

采訪冊

雪竇廟在縣治南

采訪冊

握蘭廟縣治南一里宋有握蘭坊故立廟於坊之北以祀

境土之神俗呼為木欄廟

嘉靖志

張邑侯祠在城隍廟左祀明邑令張伯鯨祠前有店房贍

祀

問志

王忠烈公祠在天封寺內祀明邑令王章

問志

磚橋廟在縣治南相傳神張姓唐時為邑丞督建天封塔

運磚之民德之立廟祀焉

采訪冊

明正廟在縣治南明萬歷間建

采訪冊

白鶴廟在縣治南相傳宋王應麟建祀文昌之神

采訪冊

壽昌廟在壽昌教寺前乾隆五十二年重建

采訪

聚福廟縣治南二里蔣金紫巷傳稱茹家花園之神

嘉靖志

全祖望記曰城南競渡湖之支流為小湖其西為竹湖有廟焉蓋宋金紫光祿大夫蔣公浚明之園神而後遂以為里社之祀故其巷曰蔣金紫巷其水曰蔣家帶其橋曰蔣家橋其東有坊曰連桂亦蔣氏物也吾鄉里社之神多出自前代巨室之甲第園亭歲久遂享居民之祀如握蘭坊廟以趙公善湘第中所奉坊神寶奎廟以史公守之宸奎閣中之閣神梅園廟以樓氏園中梅麓之園神蓋不可屈指也昆明歷劫文獻脫落遂有妄傳而蔣園訛而為茹園以字相近也茹園又訛而為父園以音相同也蓋自南山東沙二志去古未遠已有此失於是橋名改為父家橋而廟名則曰茹園廟不知吾里中之世家自宋以來歷然可考竝無茹氏父氏猶幸蔣金紫巷蔣家帶之名未泯及自明中葉以後始稱曰聚福乾隆戊午湖上賢者葛君木人畱心考古予為據舊聞以告之嗟夫故園下車喬木蒼蒼蔣氏之為此里重者多矣而里之人莫之知則前此園乘之失也蔣氏自唐時實由天台來居奉化已而遷湖上金紫為豐清敏所薦士官尚書金部員外郎抗疏排新法被斥將謫遠

州母老清敏力爭之而免金紫之子中奉大夫璠宣奉
大夫璠最有名是時陳忠肅公來鄞金紫即遣二子事
之未幾成進士忠肅為書連桂二字以表其坊中奉知
江陰歸猶及與潘公良貴倡和三江亭上其詩至今存
而宜奉以忤蔡京自劾去師傳家學俱為不負蓋蔣園
之取重於里中者正以此不徒以踞重湖之勝也嗣是
以還太學存誠為慈湖先生講學之友聞歌有省德性
清明金紫少子琚之後也尚書峴以館閣重臣事穆陵
有弭變大功雖其少年不無物議而晚節可稱宣奉之
後也將作主簿曉鴻文博學宋亡守柴桑之節杜門不
出尚書之猶子也其餘登甲科列仕籍者前後相望故
清容謂吾鄉士族之最先者有四而蔣氏居其一有三
徑聯珠集有續三徑聯珠集七世志幽之文盡出巨公
之手則當日園中過從之盛可想見也然蔣氏先籍奉
化其科第之貫守而不易故園乘亦皆列之奉化而莫
知其為湖上之望予讀慈湖所作太學墓志及清容將
作墓志乃知蔣氏於湖上為世居是以其坊其巷其園
或在焉園之築蓋在金紫歸田之後故舒信道嶺堂集
中已有詩或以為始於將作誤也湖上之甲第園亭如
趙侍郎之水閣高使君之竹墅陳少師樓輅院諸家當
時孰不連甍接瓦去天尺五今皆漸滅殆盡獨蔣氏尚
存一椽歸然如魯靈光無恙七百年之舊德實鑒臨之

其可以褻視哉而奈何又移之於不知誰何之氏也木
人曰善明年當重新是廟焉子曷爲文以記之以表章
昔賢之遺予以爲明德如金紫里中之典型也古人制
禮必求其所自以不忘其始苟於廟中爲別室以祀金
紫亦禮意之不可闕者更數百世而遙無復訛傳之患
矣抑是禮也推而行之詎止蔣園廟爲然哉因卽詮次
其語
復之

靈應廟卽鮑郎祠也舊曰永泰王廟在州南二里半按輿
地志云鮑郎名蓋後漢鄆邑人爲縣吏縣嘗俾捧牒入京
留家酣飲逾月不行縣方詰責已而得報章果上達旣死
葬三十年忽夢謂妻曰吾當更生盍開吾塚妻疑不信再
夢如初乃發棺其尸儼然如生郡人神之立祠以祀大通
間有奴賊名益誕唱誘羣盜號奴抄兵寇竝海郡邑官軍
遂擊不勝定襄侯蕭祇爲刺史神忽見形因巫語祇願助

討賊期之八月十三日奴抄果以是日至餘姚舟膠於江
衆陷於淖潰潰如醉官軍悉縶縛之祇奏其異武帝遣增
大祠宇唐聖歷二年縣令柳惠古徙祠於縣宋崇寧二年
尙書豐稷奏明州鮑君永泰王廟額犯哲宗皇帝陵名乞
改名靈應政和八年加爵惠濟王宣和四年加威烈二字
六年加忠嘉二字建炎四年加廣靈二字今稱靈應忠嘉
威烈惠濟廣靈王乾道今在西南隅畫錦橋東宋以來屢
封忠嘉神聖惠濟廣靈王延祐明正統間郡守鄭珞新之
天啟七年燬里人鄭崑吾等募建前殿崇禎間里人御史
謝三賓重建外門久而傾圮

國朝康熙九年僧照乾重修歲以九月十五日郡邑致祭

樓扶記畧曰王姓鮑諱蓋其先東漢鄆邑人春秋鮑叔
 顯於齊西漢有宣與兩龔同傳至永景事光武世為司
 隸王其苗裔也初二親額天祈嗣母晝寢夢吞日有燄
 在胎三載晉泰始三年九月望日而王始生祥光燭室
 與前夢協命童名曰圓照既冠美鬚眉容貌秀偉平生
 賦性冲粹器度宏遠語言慷慨敬老慈幼恤貧軫孤好
 游俠任氣節以擊鮮弋禽為樂見山中石以為鹿而射
 之既中視之石因名之為鹿山東海魚龍相角海濱民
 甚患苦之一日有客艤舟岸旁而王舟至客問適從何
 來王謂客曰海口一大魚與衆小魚競小者將其羣鬪
 銳大者力若不敵遂奮機擊小魚中之雄者因射之退
 餘亦俯首奔潰霧歛風息大魚鼓鬣掉尾似有喜色客
 甫歎息一老叟霜髯鱗裘至王前鞠躬謝且曰吾職東
 海有年而九江小龍逞驕結倚暴吾廬適會戰勢孤幸
 子助我而今而後海淵安靜如初皆子之賜子異時必
 廟食願遺息女為嬖妾王謙謝毋戲言叟擲水翻浪微
 露鱗角而去王屬客勿復言請別遺一小楫後人因號
 其所在曰小楫客盛傳其事疑信者半之然自是波濤
 息驚其說益驗王娶湖上方氏明淑能守節生一子絕
 肖乃翁篤好詩書王既薨建興四年葬鹿山卽射石之

所後三十年夢告其子我當再生可啟我冢墓次夜妻
夢復然謀於親黨皆曰此非常事當如夢及發棺尸儼
然如生但無出入氣息耳衣服潔潤若朝夕所服用冢
四角煥燄然州人聚觀加敬乃乘雲而昇鍊真養神蟬
蛻塵表道家謂尸解者豈其是乎冢間得一爐非金非
石籥文曰東海之寶永和初穆帝聞其異詔取爐褚太
后曰神物也緞香遣還許立祠王又夢呼其妻若子曰
東海龍遣女在茲汝當會既而相繼以終因竝祠鹿山
墓傍梁大通未越有奴鈔寇三千竝海郡邑積歲罹其
禍王因巫者語刺史定襄侯蕭祇曰爾揚我武我濟爾
力君第行必以八月十三日破賊至期寇至餘姚失潮
舟膠衆惘然若昏醉官軍悉縛之武帝詔崇其祠唐神
功元年八月八日王降於縣東門托鄉童終日而歌曰
吾姓鮑氏廟食於此自昔及今四十餘紀焉用水林縣
必遷徙家在鹿山不堪居止鄞水西流北接雨水給事
祖室實吾之廬汝為我請早為改圖待兔化龍遇齊得
王移汝來封日月交光萬載無窮我歌章章父老同守
仁等告於令柳惠古乞更置尉宗魯賢謂雨水有楊給
事宅其子承奉郎宏道遂乞捨故父給事遺宅為廟他
無觀特乞子孫嗣掌祠事其世世無易鸞臺侍郎攝春
官尚書狄公仁傑繳奏故至今視史皆楊氏吳越有國
規度而崇奉之舊相傳稱永泰王莫詳所始崇寧二年

三月浙東鈐轄尚書豐公稷奏犯名改威烈六年三月

路侍郎允迪守直龍圖閣樓公昇以兩賜應所乞封王

爵封惠濟王宣和三年六月太守李公友闕奏睦寇竊

發及剡魔巢湖距州近藉神休不能侵詔加賜額靈應

政和八年九月帝南巡護氣濤若平陸詔加廣靈嘉定四

年二月高皇帝聞孫綸參知政事告諸朝曰時和年豐

年九月樓公之願孫顯揚其先以及後昆詔封王父協應

神有大賜於民願顯揚其先以及後昆詔封王父協應

侯王母協惠夫人元妃靖順夫人次室昭順夫人王子

順助侯昭定間王示夢於史衛王彌遠作新炳端平三

年今太傅丞相鄭越公

清之奏易威烈為神聖

胡深記曰鄭舊有廟以祠忠嘉神聖惠濟廣靈英烈王

歲久傾圮寧波太守三山鄭公瑤貳守宜陽彭公鏞尚

寶少卿致仕袁公忠徽合郡士之議復撤新之未幾鄭

公以洪馮去今太守浮光陸公奇來守是郡克終厥事

告成乃錄元學士危素所為王傅及累朝勅記之詞因

司務郡人周濂來徵文王鮑氏叔牙之後世居會稽之

鮑郎山至王父去隱鄧之青山初無嗣因額天以請王

母晝寢夢吞日而孕凡三載當晉泰始三年九月十五

日王乃生有神光耀室之異遂名曰團照後更名蓋王

性疎達容貌英偉美髯善騎射喜漁獵尤務施予嘗為

縣吏俾捧牒入京畱家酣飲踰月不行縣方詰責已而
 得根章覈之果上達王娶方氏明淑有懿行生一子絕
 肖焉好詩書永元中王客遊歷陽卜者陳訓占之曰汝
 骨相非凡後當王封廟食王秘之益自韜晦嘗獵宅旁
 山隱隱見一鹿王射沒鏃視之乃石也因名其山口鹿
 山距青山十里許有港曰小澗有魚巨者一小者九相
 角不時即陰霧晦合颶風大作海舟多覆溺王適見之
 乃為奮楫發矢中其小之雄者風濤遂息以消民患俄
 有老父鬚眉皓白循海而行詣王前謝曰吾主東海有
 年九江小龍驕悍欲攘吾廬時作孽孽港口之戰幸子
 助我勝之故特報謝汝後當廟食於此吾有息女願奉
 箕帚王固讓之父曰吾無戲也語訖擲水化為大魚盤
 旋其中若不忍去者建興四年壬午五十月以其年七月
 十五日醉終於家葬鹿山之原即射鹿之所後三十年
 王夢告其子曰我當再生廟食於世其啟我棺子以告
 母次夕方氏亦夢如之乃謀諸故老即啟視王神色如
 生塚四角明燈爛然衆皆駭異已而祥雲下迎捧足上
 昇遠近傳聞靡不驚異塚間得寶鏡非金非石上有篆
 文曰東海之寶未和中穆帝遣使求之將納內藏褚太
 后曰此神物也遂封還且許立祠後王復夢呼其妻子
 曰東海龍女在此汝當與之會越三日妻子相繼而卒
 竝葬王之墓於是邦人益神其事因立廟鹿山塑王像

併二夫人及王子其中歲奉祠之梁大通間會稽奴抄
賊錢益聚衆三千人大掠浙東西民不堪命時刺史定
襄侯蕭祗領兵致討王憑巫語之日鄉土被害願助
定祗即日迎王像於郡城門樓恭禮之日王復語曰
當以是歲八月十三日破賊必矣是日祗與賊遇餘姚
賊失溺舟次上虞之江塗膠不能進賊衆皆潰計無所
出悉擒縛之事聞加封永泰侯祠字益宏唐會昌中郡
蝗爲災致禱祠下蝗即弭歲大熟神功元年八月八日
王託鄉童歌於縣之東門曰吾姓鮑氏廟食於此自晉
及今四十餘紀馬行水林縣必遷徙家在鹿山不堪居
止鄞水西流北接甬水給事祖宅實吾之廬汝爲我請
蚤爲改圖待兔化龍遇齊得王移汝東封日月交光萬
載無窮我歌章章縣令柳惠古以其事聞請以甬水村
楊給事舊宅更置王祠齊臺侍郎攝春官尚書狄公仁
傑繳奏可之聖歷中始立今廟後徙置城邑果符王言
乾化初吳越王錢氏崇奉彌謹宋崇寧中歲大饑人將
相食王陰遣其部曰四聖者如廣州招米艦循海而來
郡人得以全活方至定海四聖者謂廣客曰我鮑姓郡
治直前有廟乃吾居也因忽不見後客如其言謁廟下
見四人者儀度儼然客驚異之信知其爲神乃鑄四鐵
人置殿下表之而去尚書豐稷奏永泰犯哲宗陵名改
廟額曰靈應政和八年郡旱甚直龍圖閣樓昇守郡禱

之雨應如期詔封惠濟宣和三年六月睦州剡魔巢洞
 盜發去郡纔二十里太守李友聞告急於祠下王夢許
 崇之賊果不能侵奏加封威烈宜和六年侍郎路允迪
 奉使高麗求庇於王若行平陸奏加封忠嘉建炎四年
 高宗航海南巡王陰護之風濤不作帝乃御書加封廣
 靈嘉定四年參知政事樓鑰奏勅封王父為協應侯王
 母為協惠夫人王妻方氏為靖順夫人龍女為昭順夫
 人王子為順助侯紹定間丞相史彌遠作新其廟端平
 三年太傅越國公鄭清之奏改威烈為神聖復以尚書
 袁甫之請詔加王父為協應同慶侯王母為協惠順慶
 夫人嘉熙元年資政殿大學士知沿海制置使趙善湘
 奏奉勅加封忠嘉神聖威烈惠濟廣靈王元武宗至大
 三年六月詔重建祠宇以妥神靈順帝至正二十年申
 原槩塞山海道漕運萬戶倪可久奏言藉王陰庇扶護
 愷使風波不興舟人無恐竟抵直沽以濟國用請加褒
 封蒙聖書改封忠嘉神聖惠濟廣靈英烈王十字之封
 廟額見存王之祖商下有龍湫舊名曰三聖井每遇早
 暵禱之常有蛇見即大雨民甚賴之至於疾疫災咎禱
 之無不應者郡人因稱其廟曰府主嗟夫傳稱孔子不
 語怪神第不語耳非曰無也若王之事赫赫若亦誠
 異哉然王之生也能弭魚龍之患以甦舟人其歿也復
 能用其威靈擒奴抄之黨禦睦州之盜擁護高宗之播

遷至於招通米艦旱嘆雨滂禱之輒應其勲烈在國家
其德澤在人則亦至矣祭法曰以勞定國則祀之能
禦大災捍大患則祀之王之祠廟不其宜乎自晉及今
千數百年而王之封號愈隆無替夫典神祀以惠斯人
者郡守之責也鄭公作之彭公贊之陸公畢之可謂知
所務而袁公少卿尤篤鄉邦之義新斯廟徵子為文冀
傳之無窮皆可尚也因濂之請撫王之始末俾歸刻之
貞珉庶邦人得所考見其於脾蠻潛通之際知王之
依怙以致思於未久云廟之重建始於正統癸亥訖
工於乙丑歲季秋望日乙酉木石之費約計萬緡

順城廟倉橋相近采訪冊

護安城廟在長春門內明崇禎十一年建采訪冊

楊家花園廟在桂芳橋北明嘉靖四十二年建采訪冊

時春棚廟在縣治西街分祀鮑蓋采訪冊

市昌廟時春廟相近分祀鮑蓋采訪冊

蕭王廟在貫橋側此處舊有佛閣乃行刑之地因立鄧侯

廟云延祐志

關聖祠在縣治西南貫橋側每歲五月十三日郡邑長致

祭閩志

林邑侯祠在貫橋關殿右明崇禎間知縣林冲霄捐俸置

義倉於四隅以備歲歉民肖像祀之閩志

純德廟舊名純孝廟東漢孝子董君祠也在州東南五十五步

唐大歷十二年立卽其故宅先是其母塑像在南郭外草

堂康憲錢公億訪知迎歸廟中具事請於朝勅封純德徵

君廟乾道經元至大二年燬延祐二年重建明洪武四年封

為董孝子之神每歲於六月六日祀以剛鬣歲久圯正統

二年知府鄧珞新之成化志嘉靖間守周希哲又修之萬歷

十二年守蔡貴易以神母處室西偏非禮拓地建後閣以

祀郡司理何士晉捐田贍之志

國朝祀典仍明制附

縣

崔殷記曰後漢至行董君諱黯字叔達句章人也依乎
中廡率性純白少孤獨立事親不置歡菽以盡其歡柔
色以溫其省高堂登壽慈顏衰如和以肥家安不擇地
其徙居也庭出寒泉其執喪也林集祥鳥明誠必感厥
德惟懋施及于載橫於四海其大孝也與夫大道未隱
不獨親親逮德下衰乃有慈孝行以名蕩情以禮飾季
武孺而致縵子春強而過禮此維道以善非天性之孝
也子云無違參則直養素冠有諷和琴不成此禮經之
孝也文舉棄子士游出妻動非先意何以觀適雖曰可
紀或近沽名此非教之孝也夫子一與之質道與之和
生於東溟介居島夷俗遠詩禮性復著存無貽一日之
憂終報共天之怨負土成壟枕干不言卒斬東隣祭於
中野所謂生知而上成心以隨欲蓋而彰強名曰孝加
於古之君子數等矣和帝聞其異行特赦專殺之罪召
拜郎中不起竟以壽終夫受命於時惟松柏也冬夏
青青稟靈於天唯夫子也能全正性六代祖仲舒漢太

中大夫嗣孫字春領廬江太守世為郡中名族故以董
 孝名鄉慈溪署縣鄧江之俗薰然遺風皇唐大歷八載
 余分竹茲郡訊古欽賢環堵已蕪遺記將落徘徊故邑
 尚想餘範則夫子之行可以德類於人葺宇崇祠昭德
 垂代豈不務矣銘曰白刃可蹈仁鮮能存黃念可錄德
 無間言道喪於季賢生復古知禮近義變風於魯豈日
 無衣寒煥以寧豈口無魚泉流在庭黃鳥哀音下感棘
 心哭無常聲酒血盈襟江水湯湯東注窮越夫于德音
 與之

不絕
 陳敬宗記曰寧波郡治南不百步有董孝子廟通於閩

闕口中楹以十計門不再復歲久蠹撓傾廢不治祀事

其修神祇弗欲郡太守鄭珞重念國家以孝理天下而

孝子有廟若此何以勸勵風俗乃即鳩工度材撤而新

之綵繪增煥廟貌若生郡人具瞻愈敬益欽嗚呼盛矣

按孝子諱黯字叔達鄧人也漢仲舒六世孫幼喪父養

其母篤孝且敬母疾思飲大隱之水遠莫能致黯築室

溪傍汲以進飲母疾遂愈東隣有王寄者甚富王母以
 其糲酒無行恆有憂色董母謂曰吾雖貧賴黯之能孝
 而恆有歡心王母以喻其子冀其有所感悟而寄乃懷
 於墓後王母幸畢葬事乃操戈往斬寄頭祭於母墓事

聞和帝遣考功郎邱霏賚詔以釋其罪且旌異之召拜
郎中不就而卒享再問特封董孝子純德徵君卽其故
宅立廟以祀唐大歷十二年郡刺史崔殷嘗葺其祠我
聖朝洪武四年封爲董孝子之神每歲六月六日有司
用剛鬚致祭隆孝道也夫孝天之經地之義人道之至
重者也是故舜與武王周公皆大聖人萬善咸備無得
而稱然尤必以大孝達孝贊之所以立極垂訓使萬世
而下咸知所重若徵君之孝可以動天地感鬼神貫金
石永慰母心於不死矣宜乎錫封加號歷世祀之以彰
其孝行也公事神治民百廢具舉而於此尤加意焉蓋
欲使郡之凡爲人子者咸知慕黯之孝疾寄之逆以養
其親其所以勸勵風俗篤厚彝倫之道至矣因事施教
此太守之善政也用書以著休美於罔極系之詩曰烈
烈孝子翼翼其廟濯濯厥靈赫赫有曜孝子奉母旣懼
且安道者犯之號泣昊天不與共戴斬頭祭墓氣奪三
軍義冠千古旌德表行歷世祀之袍笏煌煌神實顯思
國典欽崇郡守口翼聿新輪奐孰不敬德
孝子之孝徹地通天我作銘詩於千萬年

林邑侯祠在董孝子廟內祀明郡守林夢官今附祀郡司

理張似渠何士晉

志

奉國軍樓祠在郡之鼓角樓神號旗纛將軍有禱卽應凡

節鎮所在皆重此祠宋明州係奉國軍節度祠之本始以

此延祐志在寧波衛治內東北嘉靖志今圯聞志

楊刺史祠譙樓東側卽醫學陰陽學舊址祀

國朝知府楊之杻聞志

邱刺史祠譙樓西側

國朝康熙十五年知府邱業以協勦勞瘁卒於官因祀之

曹志

關聖殿在校士館後采訪冊

協忠廟縣治西南一里迎鳳橋之西祀唐張巡許遠南霽

雲姚闓雷葛春賈資六公舊稱奉國樓神祠樓乃宋奉國

軍節度使藏節鉞之樓高宗避金兵幸此樓見張許南姚
雷五公旗幟布於雲表又有蛛網於樓門金兵以爲無人
卽退遂封爲五大將軍肖像於樓祀之明萬曆十三年燬
於火郡守蔡貴易重建譙樓樓成而祠廢守張文奇改建
於此又增祀賈賁額曰協忠每歲九月二十日致祭聞志
平橋廟在縣治西南平橋上祀宋制使吳潛俗誤以淵靈

王題其神位

國朝順治七年里人聞性善等改正聞志

忠勤祠縣治西南一里許明萬歷間巡按彭應參爲邑人

御史林可成建

聞志

寶奎廟縣治西南一里平橋街南按寶慶圖志但載寶奎

二字於平橋之右不言有廟乃考市舶志下云樓昇創高麗使行館今寶奎精舍即其地則知寶奎先以宸翰得名後因館中土地之神而祀之遂以為廟云

嘉靖志

今境中題

為奎宿之神是以奎畫相尊也

問志

全祖望曰寶奎精舍蓋史氏藏御書之閣史氏自忠定築別業於湖南之竹洲光宗在東宮嘗書四明洞天四大字賜之而前此高宗孝宗所賜御書亦多忠定之真隱觀雖在竹洲其實跨湖而東至今所稱花果園皆洞天之所包也迤邐自均春橋之西直接平橋所謂世祿坊者乃其賜第忠定卒是宅歸於長孫子仁即朴齋侍郎子也不義其叔宗獻所為退居湖上築園湖北之碧沁寧宗御書碧沁二字賜之亦跨湖與閣通構精舍於其下延楊袁二先生講學焉於前此樓氏高麗使館無豫也先是忠定於閣之旁又立城隍神祠惠濟神祠其迎奉祝文曰昔為驛亭以舍使星既遭兵火酒罈是名是寶奎建閣時使館之蕪久矣既有是閣遂以寶奎為里名故圖志但載二字而不言廟蓋是時不過史氏第中之物未成廟也史朝甫募修真隱觀疏云地接寶奎

湖通碧沁是其時寶奎竟為里名矣諸史之別宅月湖
者衮繡坊最在湖之西北世祿坊在湖之東北竹洲在
南報恩寺在西花果園在東碧沁在北石窗居又在碧
沁西北十洲三島半屬平泉其盛如此今皆廢矣衮繡
坊之橋明時撤以為保豐碑石世祿坊歸於方園珍為
花廳後歸張布政為竹洲之觀改祀晏公後為陸康僖祠
尋歸吾家報恩寺為廣盈倉碧沁巷
歸范侍郎獨是廟及花果園廟尚存

游仙廟郡治西南一里許祀唐秘監賀知章舊址湫隘

國朝康熙間重建

志聞

葛世振記曰游仙廟者郡治西南一里許臨紫葢街之
東所以分祀唐秘監季真賀公也公昔讀書月湖之中
此地為湖東畔亦其素游今湖亭之廟傍西游仙之廟
傍東寶相望也然額之曰游仙者何考公綺齡時嘗夢
神人持巨斧鑿破其胸納以香劑由是才思日進非仙
授文學之始乎誦烏啼曲而輒呼青蓮為謫仙人觀稗
子目如秋水而知鄰侯為神仙中人當一拜卿相非具
仙眸者能如是乎列含象亭十八學士以媲美瀛洲是
謂仙史作字如龍蛇飛動為秘省四絕之一是謂仙墨
騎馬乘船仙於飲也玉牒秘文之對仙於諷也張長史

稱賀八清鑑風流千載人也非仙於品乎陸象先謂賀
 兄言論偶儻一日不見則鄙吝生矣非仙於警欬乎石
 恪畫仙宗十友圖而公次焉是誠仙友竹里主人評公
 詩如白雲青鳳不可結攬是誠仙音當玉環未納靈武
 未攘一旦託夢游帝居挂進賢而頂黃冠條然鑑曲之
 游非仙於識者能如是乎要之公無在而不仙者也晚
 節放誕自號狂客遨遊里巷之間及其歸老嘗與樵子
 漁父農夫牧豎盛論山水高談隴畝既築室鹿亭樊榭
 又僑居曉山下泉流清駛至今名為賀溪元和己亥公
 已百年矣祖貫嘗於天台遇公授辟穀丹經貫得其術
 九十六年而言公猶在世問往來會稽武夷吳興山水
 問以藥濟人則公誠仙矣要之公無在而不遊無游而
 不仙者也此游仙之所以名廟也郭景純游仙詩云放
 情凌秀外嚼藥挹飛泉赤松臨上游駕鴻乘紫烟又云
 陵陽挹丹溜容成揮玉杯升降隨長烟飄飄戲九垓李
 長庚送公詩云真訣自從茅氏得恩波寧阻洞庭歸瑤
 臺含霧星辰滿仙嬌浮空島嶼微皆可彷彿公游仙之
 影斯廟之所以名游仙也余家故廬相距咫尺登堂拜
 公服公目不瞬劍閣之烟嵐耳不震漁陽之鼙鼓而惟
 挹澄波於一曲沃雨月於千秋敢假公半枕作游仙之
 夢以證余言之是耶
 非耶姑焚石為廟記

關帝廟在鑑湖

俗名湖西陸殿

明崇禎三年里人大理卿陸世科

建

國朝康熙間提督李顯祖修

聞志

雍正五年奉

旨致祭前殿奉關帝神像後殿奉三代裕昌公光昭公成忠公神位每年春秋用牛一羊一豕一籩十豆十帛一後殿每案用羊一豕一籩八豆八帛一惟五月十三日前殿用牛一羊一豕一帛一果品五盤後殿不用牛餘同前殿

曹志

賀秘監祠

俗名湖亭廟

逸老堂在西湖上衆樂亭相對祠堂在

其西宋紹興十四年守莫將建

乾道圖經

莫將建逸老堂以祀

知章李白寶慶間守胡榘增黃公像改名隱德堂開慶元

年制使吳潛重建逸老堂撤黃公而合祀白勒黃冠真像
 於碑元至元間以是堂并涵虛館改置水馬站分南北二
 館祠遂廢至正十九年理問邱楠修館舍得碣像於蕪穢
 中遂於驛東偏專祠之明洪武初并南北二館為一驛遷
 祠今地而碑像猶在驛東永樂十六年守汪旭遷奉祠中

天啟六年守王念祖祀以二月十五日載之祀典

聞志

莫將記曰士有負高世獨見之明介然自守以表於世
 者必不俟招而來麾而去能此者非學也氣也非氣也
 識也故識非學之所可致亦非氣之所可使其始稟之
 於天停涵靜默燭萬物之理而不昧平居固已陵厲清
 浮俯仰宇宙視世之富貴顯榮若將浼我凡隨所遭而
 暫寓者豈復以絲髮許畱方寸哉予嘗論疏廣受借傳
 皇太子一日俱上疏乞骸骨揮金樂身終宣帝之時而
 龔勝薛方乃以哀鳴就死欲全節於新室攝居之世管
 寧抱道懷寶投迹海表終身不見曹氏父子而張翰顧
 榮乃以秋風蓴羹酣飲謝事欲求免於太安四王用事

之日其識相去遠邈矣蓋自漢晉以來至唐得二人曰
賀季真季太白世惟以至博之學邁往之氣知之而不
知其識之絕人遠甚太白天寶初召見金鑾殿供奉翰
林嘗醉賦詩無畱思帝愛其才忤高力士摘其詩激楊
貴妃不得官懇求還山帝賜金許之益放鷲江湖間終
其身季真開元十三年為禮部侍郎集賢院學士宰相
源乾曜張說夸其兩命之榮明皇自為贊賜之肅宗為
太子遷賓客授秘書監天寶初病遂請為道士還鄉
里詔賜剡川以居初二子為中知時李林甫方相羅
錯結網毒痛天下以太白之風標清粹顧不減盧絢季
真風流文章豈在李邕裴敦復之下幾何不遭其誅鋤
手鳳凰翔於千仞覽德輝而下之雲鵬已遊乎寥廓羅
者猶視乎數澤二子之識所以絕人遠甚者也季真於
長安一見太白呼為謫仙人而太白在金陵送權昭彝
赤口吾希風廣成萬漾浮世受寶訣為三十六帝之外
臣即四明逸老賀知章呼子為謫仙人蓋寶錄也則二
子之相與當有神交於窈冥者矣世稱中州清淑之氣
所窮則盛而不過必蛻蟻扶輿磅礪積鬱其間當生魁
奇才識之民四明按東漢地理志乃越之鄞縣地有句
章城及古鄞城皆漢廢城也唐武德初鄞復為州與嵊
姚巖婺並總於越八年廢鄞為鄞開元二十六年拆會
稽之鄞置明州取四明山為名寶竝東海真淑氣蛻蟻

扶輿磅礴積鬱之地宜有魁奇才識之士必季真乃當
 之而四明之人初不以季真為鄉人予為明州一年得
 湖上第地為堂以太白所稱季真之名榜之曰逸老并
 繪季真之像於堂上向友千載鳳藻需觴而想遺風焉
 昔通和先生祖貫子元元和已亥年嘗遇季真授以至
 訣言季真得攝生之妙近數百歲不死負笈貨藥如董
 康伯近於天台上昇徧於人聽則季真果仙去無疑予
 聞仙人左元放許宜平每往來九仙城陽山中蔡經仙
 去亦十二年一至其家安
 知季真亦時來還此間耶

案新舊書皆系秘監於永興其以為鄞人自莫公

此記始後吳制使劉左司沈太守諸記皆因之然
 所據止四明狂客之稱是與徐季海之稱四明山
 人等耳未可遂定為鄞產也吳劉兩記載金石門

沈攸記曰余嘗乘舟泛月湖登湖心寺南望四明諸山
 隱隱如畫北顧石虹襟帶碧流如染至含嵐浴暉頃刻
 殊狀殆不可攬結體乃見而歎曰意必有異人官焉不
 然何其山清水麗一至此也問之乃唐秘監舊宅相傳

三十里曰賀家灣坡草萊得斷碑往往遺迹尙在高標
清氛彷彿於烟雲水石間賀監本鄞人唐進士歷官至
太子賓客秘書監天寶初夢遊帝居數日寤請爲道士
還故里詔許之以宅爲千秋觀又求周官湖數頃爲放
生池詔賜劍川一曲歸且放浪詩酒自號四明狂客及
祕書外監夫人執不欲富貴僑歸老豈其情哉夫出不
忘隱者適也入不害存者定也適則處之泰定則無不
足所望於外者輕昔胡華子居楚夢漁四十年不知有
城市叔敖聞其賢言於莊王召之王與語數日請歸
又夢爲楚官入與王圖議政事出治其民服與食飲甚
適覺而歎曰叔敖其敗予哉未幾王召爲執珪以不能
事王左右惡於王王召責之華免冠謝則復歎曰拔真
政子矣遂舍其官去王使人追之返其位叔敖曰弗可
追已弗可返已王使人視其廬則不知所往也夫賀監
之夢遊帝居與胡華子之夢漁事睽而情一也獨胡華
子之夢漁則寤其夢爲楚官則弗寤至爲執珪不善事
左右然後去亦晚矣乃若賀監位金馬與清華之選甚
適矣至一夢遊帝居卽寤卽託焉以歸卽不復返其賢
於胡華子亦旣多矣世有物以招侮怡寵而罔終竟
莫之省者豈惟賀監之所不
取抑亦貽訾於胡華子矣

宋忠臣袁公祠祀宋德祐忠臣袁鏞在縣治西南湖心寺

宋時袁氏嘗置廣生田并構宇於寺因得立袁氏祠寺內

後附祀忠臣焉明嘉靖間張尙書時徹廢寺爲書院改建

祠於縣西五里望春橋之東天啟間郡守王念祖肇祀其

費取河棚地稅與賀秘監祠祭同案

聞志

全祖望記曰少時從天一閣范氏得見袁尙寶公所刻
志及自京師歸求其中有蔣教授景高所作傳較詳於舊
得之驚喜嗚呼袁公之死蓋見賣於趙孟傳謝昌元而
清容作志不立公傳初意以爲五代史闕韓通之例出
於嫌諱歐公且然又何怪乎清容旣而見其趙謝二降
臣皆有佳傳乃知其黨於降元之徒也蓋清容之父處
州亦降元故清容之紀先友也凡降元者皆多稱之而
且作哀幽蘭操以弔崖山降將吳浚可謂失其本心之
言也已夫抗元者不立傳或有可原降元者反傳之豈
非黨哉其所作詩援陶潛而稱嵇紹亦可歎矣著書而
以顛倒是非爲事將謂隻手可以障天耶吾讀清容之

文未嘗不愛其才而心竊薄之載考黃僉事南山集謂
 清容於公有通譜不遂之讎林學士綱齋疑之攷甬上
 三袁氏鼎足並盛不必求依附南山的說未必然也予
 觀宋之將亡四明以賈氏摧折之餘鮮豫於軍師國邑
 之寄故殉難者寥寥然亦尚有數人知臨海縣孫琦前
 侍郎願質子去官奉母道梗蹈難而死憲司知事楊恕
 不食數日自沉菱塘詩人皇甫明子佯狂賦詩投海茲
 歎人者皆不得見於清容志中孫臨海補傳於至正志
 揚知事補傳於成化志皇甫見於谷音又有林澤者字
 堅叔一字梅逸詩人也著有瓦釜雷鳴集十卷和陶詩
 一卷喜邱人急嘗築惠生道院施人藥元師之至以祖
 父墓在青山去城一舍往守之游騎至執脅之大罵不
 屈而死其子公輔痛父死節委家於弟為道士守父墓
 以終身胤峙茲黜而豐大平存芳以清敏裔一門十八
 人同死見於縉雲世譜丹心碧血僅而不泯其亦危矣
 是豈有通譜之難而沒之歟抑亦醜正有素而自托於
 為親諱也嗚呼千古之清議夫豈一時之紀載所能持
 其愚甚矣吾湖上有廣福寺即北宋壽聖院也舊為公
 祠蓋袁氏自高祖尚書公子誠有二女嘗施田三頃餘
 於寺以贍放生道場故寺僧世奉袁氏為檀越而公祠
 亦建焉明初柳莊太常以佐命起祠祀中振張尚書東
 沙據寺為宅始遷祠於城西至天啟中而有司以河房

之稅為公設祭又百年而予始為之諱且附之忠義錄後其銘曰可憐石頭城寧為袁榮死不作褚淵生誰為袁榮傳沈約沉吟頽有汗

晏公廟縣西南月湖中其址舊名竹洲宋丞相史浩建真

隱觀於此元季廢成化志

全祖望曰吾鄉六縣世家右姓其為南宋寓公之後甚多吏部尚書晏公敦復亦當時寓公之一尚書晚年以忤權臣惓惓而死太夫人尚在堂汪莊靖之父太府公時時周恤其窮語在史丞相所作太府行狀今吾鄉不聞有晏氏蓋其後卒歸西江歟今世俗所稱晏公廟者最多乃道家之祀名德如尚書百世之斗杓也苟表章而祀之豈不足以

廟頽而立懦哉
閩國公祠在月湖西公姓王氏名積翁元至元二十一年

奉詔招諭日本歿於行封閩國公諡敬愍立祠奉之泰定

四年縣尹阮申之重建至正續志

七牧將軍廟在縣西南采訪冊

花果園廟縣西南二里祀宋將軍杜愷愷隨駕之明州力

禦金寇民德而祠焉嘉靖志月湖之東宋建炎時將軍杜愷

護高宗駕至四明力禦金人百姓德焉嗣以病作舍於花

果園園有安南異獸牡曰麤牝曰羴身高四尺人目羊頭

獅形薦足獨角長鬚善識奸佞不食腥葷烟火惟餐松栢

槐榆常與愷伴後愷病卒葬於太白山二獸亦死淳祐元

年郡中大疫愷擁獸示靈有禱輒應民益德之乃為立祠

以石琢二獸形列之門首聞志

全祖望曰花果園廟在湖心寺之西岸肇造自史氏其廟神即司園之神也明中葉忽傳為建炎將軍杜愷而竝載入嘉靖府志中近有費緯祉者作記敷衍其故事謂將軍以扈從至鄞舍於史忠定王之園將軍本籍

祥符忠定曾令祥符故相善將軍卒於是園即立廟祀之今太白山有將軍墓攷建炎扈從諸公如鄭世忠張鱗潘迪李顯忠皆有後人居鄞大率緣扈從畱此者固不致謂杜將軍必無其人也但忠定乃紹興十年進士而建炎以前已令祥符其誰欺乎或曰史氏之貴始參政重和元年趙楷榜進士祥符之任當屬參政則時代適當後人訛傳為忠定未可知也然攷史氏先世本居湖上自越公遷大田山中而葬下水子孫皆居焉其復歸於湖上自忠定始而園之建更在忠定歸田以後其於參政無豫也然則將軍寓園之事盡屬流俗所傳不足信况自成化以前之志無載之者其謂將軍官鎮東將軍世襲金吾吾不知宋無四鎮之官乃六朝時官制也

鎮明嶺廟在縣西南鎮明嶺上祀六邑城隍之神采訪冊

正學祠在鎮明嶺明嘉靖三十年建祀楊簡袁燮沈煥舒

璘四先生嘉靖志提學副使薛應旂郡守孫宏軾建額曰象

山正脈歲時郡邑致祭志

薛應旂記畧曰秦漢晉唐上下千百餘年出沒於申韓佛老訓誥詞章之出而豪傑之士亦不免淪胥以溺於

是正學失傳而紛紛之論莫知所適從矣宋百有餘年諸儒繼出立言著論固皆足以爲聖賢之羽翼至於道窺堂與上邇本真而獨得夫傳心之學者象山陸氏葢不可誣也當時遊其門者若慈谿楊敬仲鄞袁和叔定海沈叔晦奉化舒元質皆高第弟子以道義相切磨而深有契夫陸氏之學特以其師之學與淳慈朱氏久門路徑微有不同所以是朱非陸之說卒蔓延於天下後世而不可以一二開導也楊袁沈舒之學得其宗夫孰從而知之夫天下之大千百年之遠得一人焉斯亦難者今以一明州之地萃茲四賢而久無專祀不得與葵之何王金許並列者母亦朱陸之故也乎有識者不能不爲之慨嘆矣嘉靖辛亥余視學兩浙遂與寧波守成都孫君宏軾議合四公而祠祀焉因卽郡城鎮明嶺巷廢址建堂立主題四公之諡妥安如禮夫朱陸之學異同者衆然溺因襲之見而主先入之說者至今未盡決也噫是豈可以口舌爭也哉唯是祠成庶幾拜瞻者以心會心其將有歎發乎故樂爲之記

東堂廟在寶雲寺東明洪武間建相傳祀漢賈復

采訪冊

五顯靈順廟在城西南隅宋開禧間鄉人徐侍郎守徽州

神嘗效靈迎香火建廟於此延祐志

國朝康熙十年燬明年重建聞志

開性道記曰按元袁學士榜延祐四明志明楊司訓寔

成化四明志張大司馬時徹嘉靖寧波府志俱載五顯

靈順廟在鄞治西南月湖之西神舊在徽州宋開禧間

鄉人徐侍郎守徽神嘗效靈遂迎歸立廟祀之今廟左

有橋亦以徐侍郎名焉稽西湖志宋時奉敕封號一日

顯聰昭聖孚仁福善王二日顯明昭聖孚義福順王三

日顯正昭聖孚智福應王四日顯直昭聖孚愛福惠王五

日顯德昭聖孚信福慶王五日顯明昭聖孚靈慈和徧服曰

顯之所以由名也按詮法死見神能曰靈慈和徧服曰

顯此靈順之所以加賜廟額也右明洪武初勅建十四

廟於金陵其第六即五顯廟歲以孟夏季秋遣太常寺

主祭及都北京載在會典歲以四月八日致祭茲廟即

其分祀之神也自宋寧宗開禧迎建以來迄今幾五百

年矣紀無石言失修昔之歲月國朝康熙十年辛亥

問神也管於子乃敬對曰古來惟五行之神天下之

正神也近世因妖邪習崇俗每亂之詎知陰陽五行化

生萬物厥功甚偉故尚書洪範九疇初一日五行皇極

因之而建錫福用之而敷其星在東曰歲在酉曰太白
 在南曰熒惑在北曰辰在中曰鎮其精為蒼龍為白虎
 為朱鳥為元武為黃龍其名曰靈威仰曰白招拒曰赤
 熒怒曰叶光紀曰舍樞紐此猶見於術緯之書若夫禮
 經所載春祀其神勾芒為少皞之子木正重也夏祀其
 神祝融為顓頊之子火正黎也中祀其神蓐收為金正該冬
 祀其神句芒為少皞之子木正重也夏祀其神祝融為顓頊
 之後術為顓頊之子火正黎也中祀其神蓐收為金正該冬
 五祀其神句芒為少皞之子木正重也夏祀其神祝融為顓
 故歷朝有賜號賜額賜祭之隆禮所以崇功報德垂萬
 世不易之典茲五顯即其神也是廟重建非僅培里社
 之桑拓實有闕郡邑之瑋祈因撫其概而為之記又按
 延祐志載有皮場廟在月湖西聖功寺內宋累封為明
 靈昭惠顯應王皮場廟在月湖西聖功寺內宋累封為明
 場名攷聖功寺建於周顯德元年宋至道初奉賜以太宗
 御書五十卷軸後寺廢為軍營而廟亦不存寺近五顯
 廟同一里巷今廟傍有周顯靈王蓋因皮場廟廢而以
 其神附祀於五顯與且聖功寺與於周顯德初而皮場
 廟之封號中亦有顯靈二字適爾相合
 然其神固膺累封之正神也例得附書

皮場廟在月湖聖功寺內宋累封為明靈昭惠顯應王原

在汴顯仁坊皮角場故名

廷祐志

碧沚水仙淵靈廟月湖碧沚西袞繡橋之北乃阿育王山

井金線二鰻也宋建隆二年旱明州節度使遣父老到山

中請放碧沚中是歲雨暘時若嘉定十五年旱史魯公請

命於朝遣檢校到碧沚請鰻至杭隨澍甘澤奏加賜水仙

淵靈侯歲以八月十五日郡邑致祭聞志乾隆三十九年旱

知府徐崑禱雨即應四十九年重修別廟在錦照橋俗呼

老水仙廟采訪冊

全祖望記曰明道先生行狀云上元之茅山有龍池其

龍如蜥蜴而五色祥符間命中使取二龍至中途中使

奏一龍飛空而去自昔屢奉以為神物先生嘗捕而脯

之使人不惑及朱文公之高弟滕達道為鄞尉文公嘗

叩以天非山五龍靈蹟之果否則文公亦疑之而未敢

遠以為妄若呂忠公來鄞力詆阿育王山龍井之誕蓋

大程子之緒言也愚考唐白香山新樂府黑龍潭詩極
 言祀龍之謬已出大程子之先雖然龍之為靈昭昭也
 其在經則見於易其在傳則見於春秋繁露諸書作雲
 施雨不可以為誣妄而造物之變化亦有不容盡以儒
 言斥之者此類是也夫陰陽愆伏而為旱陰陽和而為
 雲雨以常理推之其故皆由於二氣蕪茲庶物何能操
 其權然而詩人之嗟旱也則歸其咎於魃魃果何物遂
 能致旱及考之圖譜誠有所謂魃者非虛假之言也謂
 魃尚能致旱而龍不能致雲雨則固矣夫感天和恤民
 隱苟實有如成湯者豈畏乎魃亦豈藉乎龍然有中
 位育之功則盡人性以盡物性不祥之魃退聽而至靈
 之龍效命正不必謂其無也不然則古人雩禱之禮皆
 可廢而詩所云靡神不舉者不亦謬耶特愚民惑於此
 而妄以邀福則有如白氏之所議者或曰然則其得取
 而脯之者何耶曰天下無不靈之龍而未嘗不為人所
 秦故亦未嘗不為人所謫古有之矣然因此而謂龍之
 非靈則不可也即以吾鄉天井之龍言之有求於山者
 或得蛇或得蜥或得蜥或得蛙皆能有驗顧前明太守林夢
 官祈得蛙不雨手刃之而雨是殆即變置社稷之說而
 定之得雨則未可謂其竟於旱潦無豫也碧社龍祠即
 阿育王山龍神之行僧浮屠以爲護碑多矣顧予家在祠
 若其靈之著足以庇民則見於舊碑多矣顧予家在祠

右每入祠見座中衣冠像設殊為不根天下亦豈有龍
而人者乎乃與里社諸公議以木主代之而為之銘其
銘曰南湖白龍輕去其鄉兮西湖靈鯁來洋洋兮寓公
濞止城中有光兮百王金沙時攜將兮五龍更番降神
幢兮作雲施雨嘉惠敢忘兮伐鼓考鐘兮十洲滄茫兮南
湖白龍輕去其鄉兮曷歸乎來同翺翔兮不見淵靈香

火未
央兮

參議廟縣治西四十步柱國坊北相傳神為浙東參議守

土於茲用法公平卒於官民思而祠之嘉靖志至今隸於公

府者叩之即應或訛為寇萊公云閩志

東嶽行宮在報恩光孝觀今天寧寺東宋紹興十年守仇愈建

知觀袁志賢募緣而成有聖母池人或竊物相與詣聖母

前啟曰投楮鑑於池其淨者為曲人以此畏之延祿志今廢

張文定公祠縣西二百餘步明嘉靖二十五年巡按裴紳

建祀尙書張邦奇

嘉靖志

歲時郡邑致祭

聞志

白馬廟縣治西南河利橋東舊時織染局也至正二十三

年郡守忽欲理持建明初廢而復設洪武三十五年大使

塗茂林重建後局廢而掌局之神存此廟之所以至今傳

也

聞志

廉惠山記略曰慶元路舊有織染局在城北之闕武坊歲久弗治匠工散處樵山忽公就郡城之西雜造局廢址更建焉名其正堂曰彰彰取虞書以五彩彰施於五色作服之義也

按聞志引韓詩外傳謂馬影與練光等所以織局

祀白馬神非也周官蠶無專司禁原蠶掌於馬質

蠶為龍精與馬同氣織局設祀義或取此至謂有

神人乘白馬指揮而織染純正益不足爲據

護城廟在社壇橋明萬歷間建

采訪冊

楊家廟縣治西北一里相傳元時萬戶府土地之神

嘉靖志

大人堂在子城內府治北射圃中俗呼神曰闕相公事之甚謹大人者尊稱之祠也然莫知本始吳越王時有近臣曰闕燾謫守於此初甚怏怏既至則悅謂居內不如守郡之樂未幾誅死未知所祀卽其神否又有闕澤三國時爲吳太子太傅今慈谿普濟寺乃其故宅鄞與慈谿接土人祀之亦未可知高閑撰記直指爲節度使錢億特意之爾

寶慶志 在總管府之東北地按億倣弟乾祐二年判明乾德五年終於任首尾二十三年開寶八年姪惟治爲節度創

祠以奉蓋子弟尊諸父之通號億浚湖築塘修它山堰等有功於民建奉國節自億始惟治在鎮又五六年繼此遂列祠於五廟若闕燔吳越家臣無顯功無緣錢氏子弟肯祀今所謂闕相公者以燔錢氏臣曾守此土從祀其傍後遂知有闕燔不知有億或訛而為吳太傅闕澤澤慈水人不曾守此土郡未移治不應先有此祠延祐志縣治西北二里和義門北今大人堂久廢獨存闕祠問志

協佑侯廟縣治西北東上橋祀宋沙誠舊在武烈侯劉公

廟右里人迎祀於此問志

霖澤廟縣治西北孝聞坊為宋侍郎林保香火祠問志

蔣家廟在縣治後嘉靖志

旌忠祠在鑿橋北

國朝勅建祀御史陳良謨

賜額旌忠并贍地七十畝命有司歲祭開志

靈翼廟舊名伏飛廟鹽倉之西神之姓氏邑里無傳建隆中鄆

令金翊纂異記謂唐武德時以此郡為鄆州至開元中改

鄆為明郡名奉化城甬東地名句章軍號伏飛則伏飛廟

者蓋當時之軍號而軍必有將之者有功於人故立祠云

大觀初本州所編九域志乃引淮南子所謂荆有伏飛不

知淮南子之非實是非之非非飛走之飛今廟新榜遂稱

荆伏飛豈非好事者附會其說而增以荆字歟乾道經按軍

號伏飛未必不取義於荆伏飛之勇古字轉用甚多何必

於非飛二字疑之或云旁有蛟池蛟自江來窟於此人患
之故鎮以廟池今為居民所侵堙塞無幾又或云唐末刺
史黃晟初以依飛都副兵馬使防遏寇盜保護鄉井沒而
人祀之不曰刺史而曰依飛蓋自領兵時人倚為重故習

稱其舊號云

寶慶志

程端禮記曰神姓黃氏諱晟鄞人也少伉勇嘗涉桃花
渡見一老祖哀憫江許因詰其故媪曰此有二蛟為虐
每三歲境民以一童男女祭之得之則安否則為虐甚
大妾身年老且貧止有一女今將為蛟所享則將無所
依矣寧無勸耶神喟然嘆曰馬處為除長橋之蛟民甚
德之今四方不靖蛟亦為虐是親民者不得其人耳至
期仗劍下中流一日不起至次日持蛟頭從江古池中
而出因名池為蛟池今在廟東至唐僖昭間盜賊鋒起
民不聊生神遂集結羣豪守護鄉井縣令聞於郡守羊
龔授以鄞塘鎮過使即今鄞之鄞塘鄉是也台人劉文
寇明州龔擊文走之其黨走據奉化神部兵擊敗再遷
奉化都護防遏兼依飛都副兵馬使守禦是邑又盜攻

寶慶志

越州董昌不能禦神縱兵戮之昌奏神為左散騎常侍
 浙東道東南副都指揮使羊僕歿鍾季文繼之鍾歿之
 後衆乃戴神攝守明州昌亦表為刺史討平隣境創築
 羅郭而人民大悅神在任十有八年四民不能一日而
 忘也及歿爭相祀之郡內
 凡立祠者三此其一也
 全祖望記曰吾鄉和義門之左有唐太傅刺史黃公晟
 廟甬上之祀太傅者三此其一也廟旁報德觀亦屬黃
 氏太傅子孫居鄞極盛自明以來官至列卿監司曹郎
 者不一故其香火猶振予讀深寧困學紀聞甚不滿太
 傅故其紀吾鄉五亂以太傅之據參之袁晁栗鍾王郢
 之聞而四明七觀譏前此史乘之曲筆望山李侍郎祖
 之有是哉操論之正而嚴也雖然竊嘗平而論之歷代
 當搶攘之際乘時而起所在多有要當視其晚節為何
 如斯亦論世人物者所不得已者也李克用之起事其
 亦大不道之徒而後此忠誠赫然君子從而予之太傅
 既守郡之後保固鄉里不商董昌之亂築君子營以居
 避兵之士建雉堞置浮梁臨終封上倉庫不令其子襲
 守其於茲土固有深仁厚澤雖不敢望克用之鴻略要
 豈袁晁輩所可同年而語也然則深寧之持論固有得
 於春秋之旨而吾鄉之廟食亦未為過事固有詳審而
 後當者而非誦人之謂也乃若程積齋所紀太傅事則

有誕妄不經者和義門有蛟池在廟之東又有蠶池或曰蛟池即蠶池也蓋前人以豬水者吾鄉阻江為固西南二道有塘河之水入城東為三喉以注之而其北塞焉故以池蓄之當年池吐甚廣而後漸淤諸志言之備矣或曰舊常有蛟來居池中是乃燕說不足信積齋遂謂太傅早年仗劍入江斬蛟除患是蓋妄人因呂覽荆欽非之事而太傅嘗官欽飛遂為牽合甚至廟榜竟作荆欽飛字則謬甚矣積齋通人乃亦從而實之是可怪也事以從其實為可信太傅在郡之功足以得祀欲藉此以為重通見其愚也斬蛟之誣董山已先我言之願未詳其致誣之由故於是碑申其說使黃氏子孫知之

火神廟在城北隅佑聖觀內

國朝雍正七年寧紹台道孫詔因郡城火災叠見捐俸創

始買圓津巷廢地二畝建造

曹志

義火祠在佑聖觀側乾隆十九年知府胡邦佑建

采訪冊

太歲殿在佑聖觀左側乾隆二十七年紳士屠可堂等捐

建采訪冊

文昌閣在太歲殿後內有魁星閣乾隆三十七年紳士邵

洪等建采訪冊

茶場廟在東北隅拱星坊北延祐志縣治東北一里城下嘉

靖志載神姓張名素華亭人宋慶元間爲權茶提舉能平

茶法以惠民卽其權茶所立廟祀之今邑中徐氏稱神姓

徐名視字振國吉州人宋寶祐丙辰進士咸淳間以副提

舉領明州茶鹽公事因家焉鄞地產茶少南宋積苦兵革

權及茶稅尤累於民視請於朝以魚鹽抵權務得報罷而

場爲虛民感其德卽場祀之按司馬所載張氏姓民僑里

確然有據而徐氏之先亦嘗權茶不爲無本張在寧宗慶

元年間徐在度宗咸淳年間先後相距七十餘載不便遺

前而畱後

閩志

大樹廟縣東北一里魏家巷內

成化志

達信廟在東北隅

延祐志

東

天后宮

舊名天妃廟

在縣甬東隅

延祐志

縣東二里東渡門外宋

紹熙二年建元至正末燬明洪武三年湯和重建天順五

年守陸阜重修

閩志

明季頽廢

國朝康熙二十三年後海禁既弛閩粵商賈輻輳海中屢

著靈異捐資修建為城東巨觀雍正五年

勅號天后

曹志

別廟在大嵩所

閩志

程端學記曰惟天陰騭下民凡涉大險必有神物效靈以濟之若海之有護國庇民廣濟福惠明著天妃是也我朝疆宇極天所覆地大人衆仰東南之粟以給京師視漢唐宋尤爲重神謀睿算創運於海較循貢賦古道功相萬也然以數百萬斛委之驚濤駭浪溟霧颶風驟施失利舟人陳守危在瞬息匪賴神明有禱斯答其同攸濟故褒功錫命歲時遣使致祭牲幣禮秩與嶽瀆並隆著在祀典前年冬慶紹等處海運千戶所達魯花赤前進士納臣公至官廉靜易簡庶事畢理神廟適遇治所以累朝加封錫號之典發神隆祉之蹟未刻於石懼久將渾乃謀諸察案具本末來請謹按神姓林氏與化莆田都巡君之季女生時神異能力極人患難室居未三十而卒宋元祐間邑人祠之水旱癘疫舟航危急有請輒應宣和五年給事中路允迪以八舟使高麗風溺其七獨允迪舟見神女降於檣而免事聞於朝賜廟額曰順濟紹興二十六年封靈惠夫人三十年海寇哨聚江山居民禱之神現空中起風濤烟霧寇潰就獲泉州上其事封靈惠昭應夫人乾道二年興化大疫神降曰去廟丈許有泉可愈疾民掘斥鹵廿泉湧出飲者立愈又海寇作亂官兵不能捕神迷其道俾至廟前就擒封靈惠昭應崇福夫人淳熙十一年福興都巡檢使姜特立捕溫台海寇禱之卽獲封靈惠昭應崇福善慶夫人

既而民疫夏旱禱之雨日愈紹熙三年特封靈惠妃慶
 元四年既閩諸郡苦雨惟莆三邑禱之霽且有年封靈
 惠助順妃時方發閩舟師平大奚寇神復效靈起大
 霧我明彼暗盜悉掃滅嘉定元年金人寇淮甸宋兵載
 神主戰於花籃鎮仰見雲間皆神兵旌幟大捷及戰紫
 金山復見神像又捷三戰遂解合肥之圍封靈惠助順
 顯衛妃嘉定十年元早禱之雨海寇犯境禱之獲封靈
 惠助順顯衛英烈妃寶祐二年早禱之雨封助順嘉應
 英烈正妃三年封靈惠助順嘉應慈濟妃四年封靈
 惠榜正嘉應慈濟妃是歲又以浙江隄成築封靈惠協
 正嘉應善慶妃景定三年請捕海寇得反風膠舟就擒
 封靈惠顯濟嘉應善慶妃寶祐間封神之父母女兄以
 及神佐皆有錫命元至元十八年封護國明著天妃大
 德三年以漕運效靈封護國庇民長明著天妃延祐元年
 封護國庇民廣濟明著天妃大歷二年漕運副萬戶八
 十監運舟至三沙颶風七日遙呼於神夜見神火四起
 風恬浪靜運舟悉濟事聞加今封廟曰靈慈納臣公言
 至順三年夏子押運至萊州洋夜半風大作禱之見神
 像轉道以順是歲運舟無虞其隨感而應類此神之廟
 始莆徧閩浙鄴之有廟自宋紹熙二年來遠亭北船舟
 長沈法詢往南海遇風神降於舟以濟遂詣興化分爐
 香以歸見紅光異香滿室乃捨宅為廟址益以官地捐

資募衆創殿庭像設有司因俾沈氏世掌之皇慶元年
 海運千戶范忠暨漕戶倪天澤等復建後殿廊廡齋宿
 所造祭器余既序其事乃作詩曰身稽古昔人道事帝
 在傳具陳帝舜神芒祀於世世或君或臣洛神相妃爰
 以陰類生人歿神婉婉天妃捍患禦災自其居室始祠
 於莆拯溺奏財廟號肇錫遂徧閩浙鄞廟崔嵬百世血
 食濟險驅癘霽陰雨賜擒賊解圍宋自靈惠封十五更
 曰夫人妃迨自星元萬斛龍驤絕海達畿東南庶邦島
 寇蠻裔獻琛是職波晏不揚如履康莊神惠孔碩天子
 曰嘻精意以享毋怠毋教徽號四加表此殊廷以報元
 功鄞江洋洋潮汐送迎神惠周道
 作我銘詩刻石之貞式昭無窮

景廷先生祠

俗名濱江侯廟

縣東二里甬江濱祀宋晁說之說之

謫監明州船場祠乃後監官王鈇建明萬歷初燬神先見

夢於隣人得從烈火中負像出廟復興

聞志

國朝乾隆三十四年三十六年五十二年東門外火至祠

牆輒止賴以保全者無算人皆異之

采訪冊

陸游記曰明州船塢新作故侍讀晁公祠成監塢事襄陽王公鈔因通判州事丹陽蘇君玘移書游爲之記自春徂秋凡十許請不倦游于公爲彌甥方踉蹌學步時已獲拜公則今於爲記誠不當以薄陋辭謹按公諱說之字以道一字伯以父自號景迂生元豐元祐間已爲知名士崇寧後坐上書等斥不得立朝臨民故連爲祠朝筦庫吏其爲船塢則大觀政和間也寓舍直桃花渡而官寺有亭曰超然公方爲世修人士夫過諸途際莫敢語况有拜下者簿書稍暇則以讀書爲樂時時見於文章如汪伯更哀辭祭鄒文忠公文皆傳天下亦間與佛學者延慶明智師遊記智所爲天台教至今其徒以爲重雖然此猶未足言公也公之學深且博矣於易自商瞿下至河南邵公先生下至泰山孫先生於詩雜以齊魯韓三家不格於毛鄭於春秋考至賈誼董仲舒於膠於啖趙其所引據多先秦古書藏山埋冢之秘卓乎獨立確乎自信雖引天下而與之爭不能奪卒成一家之說諸儒竝傳向非攢屏疎置於荒遠寂寞之地如在船塢時則雖公之敏此功未易成也於乎士之棄日豈馳騖於富貴功名哉弊精神於事爲之末謀衣食於涯分之外忽焉不知老之至者多矣登堂而望公之風采請記而稽公之學務其亦自省哉公之文章本二百卷中原喪亂後其家復集之益似南渡至歿時所作纔得

六十卷而士大夫猶未盡見也郡人能言公舊事者曰
一日部使者來治船事詰責甚峻公從容對曰船待木
乃成本非錢不可致今無錢致木則無船適宜使者為
發愧去觀公平生大節一言抗庸人之驕蓋不足書而

郡人所願書故亦不敢略

之淳熙十年九月丁丑記

全祖望曰景迂先生以大觀之庚寅謫居甬上船場其
後七十餘年而監官王季和為立祠歲久居人呼之曰

濱江侯廟莫知其何以有此稱也其名不經于乃易其
額而重題之是祠也放翁之記備矣先生經學與衍不

肯苟同雙疏自成一家誠如放翁所言顧其謂諸經皆
成於甬上則未必然蓋先生經說皆早出其晚年易元星

紀譜則在船場先生最師法馮公故取其太元歷及康
節太元準易圖合而譜之謂楊氏以首準卦皆有星候

為之機括非出私意因歷辨諸家談元之失亦奇作也
先生自跋其尾曰今年始見剛說明州令人意氣自倍

蓋先生當百折之餘風節嚼啜若此固非窮愁著書者
所可比也當是時甬上經學尚未盛先生首以正學之

傳傳聞精詣倡教於此於是陳文介公有諸經說而王
茂剛以處士善說易於此與起其有功於吾鄉為甚修

抑先生之在船場也所有江上晚望獨坐諸作自幸老
得江山之樂至比之陶隱居之受五戎白蟹青蝦之戀

鯨去而思龍花渡者不置水仙木犀自形歌詠忠公
大愚謂其妙句直追驚鴻其惓惓於吾鄉如此數百年
以來政教揚柳雖不可復而殘霞新月騎鯨跨鯉之
跡宛在去與潮同無惑乎其靈爽至今尚赫然也

平政祠縣東浮橋西畔明萬歷間建祀郡守張正和楊鍾

英後併祀海道盧若騰郡守鄒希賢陸自嶽

聞志

府主行祠在縣東三里大河橋明正德間里人包楨徒建

嘉靖志

洪聖廟縣東三里后堂街祀東海龍神宋元間屢賜廣利

侯額

嘉靖志

東平忠靖王廟俗稱十四太保廟縣東三里東津橋北祀唐張巡

相傳宋高宗駐蹕東津神嘗效靈故勅祀之

聞志

烏龍廟在縣東三里

采訪冊

櫟木廟縣東四里祀宋鄞令張珣後遷甬江之東相傳神
有功翦馬今各營於中秋日設祭

曹志

案錢德盛作櫟木廟辨謂是廟之神自昔不傳姓
氏且建自萬歷年間若果爲張珣不應南渡以後
隆慶以前尙無此廟其說不爲無見但珣爲鄞令
卽治廣德湖一事南豐爲作記其有功德於鄞亦
槩可見報以廟食誰曰不宜至以神爲有功翦馬
或謂張侯曾手植櫟樹於城東則相傳之說不足
信也

湯君廟縣東五里相傳神諱華爲侯官丞有惠政歸葬茲
土屢顯靈異唐元和間建

嘉靖志

神字知新以大中十一年

終於連江十二年葬於鄧縣龍山鄉江上里墓在廟前相傳宋建炎三年顯靈戰地勅封明濟侯

國朝雍正十一年重建

據墓志及厲顯祖墓志序

賀成廟縣東五里演武場南分祀唐賀秘監知章舊在江澗之故前堰名賀家巷後移建今地額曰賀成意以賀巷新徙而名之俗改為賀丞者誤賀公未嘗為丞也聞志

廣靈王行廟城外甬東隅五里

乾道經

今在大河橋名府主

行祠

采訪冊

張明五公祠原係江橋菴張氏執洪武四年勘合訛口難

憑嘉靖志

公諱文英行明五祠舊在浮橋東元時嘗建亭施

茶且憇息守橋夫故祀之明萬歷三十年燬徙建澄波橋

右志後里人於故址改建靈濟巷奉關帝像乾隆三十八

年仍立張明五主於殿側祀之具呈事實

任君廟在縣東五里采訪冊

都神廟在縣東十五里采訪冊

白龍王廟在縣東十五里采訪冊

石池廟在縣東十五里橫涇分祀鮑蓋旁祀里人夏文文

宋季人世居廟北捐資修廟工竣而逝里人因祀殿側

屢著靈異明陳本深有夏公靈跡記具呈事實

忠嘉正廟在縣東十五里采訪冊

徐村廟縣東十六里元至正元年建嘉靖志

東林廟在縣東一十八里唐天寶二年建明嘉靖二年重

修嘉靖志

擇木廟在縣東二十里距鹿山五里里人邱恭重修嘉靖志

分祀鮑蓋聞志

三聖廟在縣東二十五里嘉靖志分祀鮑蓋聞志

昭惠廟在縣東二十五里聖女山下旱禱卽雨嘉靖志

塘下祖城隍廟在縣東二十五里宋時建嘉靖志

鄒山城隍廟在縣東三十里明正德間重建嘉靖志

樟木廟在縣東三十里回江硤旁江為小浹港尾鮑王射

龍之所嘉靖志

鬼谷子祠在縣東三十里祠前有黑水池俗傳鬼谷洗硯

處聞志

東嶽行宮在縣東三十五里育玉山相近

乾道圖經

小梅廟在縣東三十五里

嘉靖志

今名前新城廟鮑王行祠

也

采訪冊

西亭廟在縣東三十五里西亭山上祀晉順助侯鮑王子

旱疫禱之即應宋節度錢億建

嘉靖志

按石山街有東亭廟平姚有南亭廟新橋有北亭

廟中亭廟又有新建廟皆其分祀也

莊穆廟在縣東三十六里宋治平元年建

嘉靖志

健神廟在縣東三十七里宋熙寧間建紹興間燬重建明

正統間又燬鼎新之

嘉靖志

寶幢大廟在縣東四十里宋嘉定間省元陳埴建

嘉靖志

分

祀鮑蓋間志

峯山水廟在縣東四十五里元至正間建嘉靖志

阿育王山淵靈廟在廣利寺鰓井在其東相去里餘世謂之聖井自東晉時已著靈異其中二大鰓乃護塔神也其一有金線自腦達於尾其一每現光耀折花引之則雙紅蟹或二蝦前導而出錢武肅王以歲旱迎歸錢塘之南塔寺育王寺僧時見復在鄮山井中遊泳也山有七井前有亭榜曰應現或云又有二井則在山之絕頂險不得造未知其果否也康憲錢公因旱禱請靈鰓置道場中令僧爲法事復有天花散漫之瑞元祐元年奉勅賜額乾道經明時每歲定於六月十八日致祭

國朝仍之聞志

蘇公軾祠在廣利寺今育王寺內佛殿之右乾道中住持僧從

廓重建乾道經

王荆公祠在阿育王山廣利寺內宋嘉祐六年郡守錢公

輔建聞志

寶慶廟在縣東五十里宋淳熙間建嘉靖志

靈佑廟在縣東五十五里祀宋邑令王安石相近有忠應廟

其分祀也采訪冊

裴將軍廟縣東六十里宋開寶間建嘉靖志

全祖望曰東錢湖之東有裴府君廟宋淳祐中所建即所謂寶慶廟者也又有裴將軍廟蓋亦府君之神而其
餘里社祀府君者多不勝舉志乘不詳碑版皆滅訪之
父老則昔云觀察府君謂是也予考唐開元而後明州

入亂天寶中吳令光之掠明也河南尹裴敦復平之粟
 鎰之亂府君平之王郢則節度使裴璩平之三裴皆有
 勤亂之功而獨祀府君其功殆有獨隆者耶貞元十有
 二年栗鑿以鎮將作亂刺史盧雲遇害招誘山越攻陷
 郡縣山越之名見於孫吳國志大抵皆在丹陽近境而
 吾鄉則未之聞胡身之曰鄆縣慈谿縣之南奉化縣之
 西北有山越種以今地里質之當為鄆之傳霸河慈之
 種乳山潘瑒奉之箸坑等地次年府君討平之禽栗鎰
 於天台送至京師伏誅然則湖東居民之奉祀蓋必府
 君師行所過能捍賊鋒而不擾民者故相率報之獨是
 府君之搗賊巢在天台則其過軍自奉化應泛甬江歷
 長汀若山湖東以入萬山錯互反為迂道而行亦甚艱
 意者山起為梗故出間路以出賊之不意未可知也夫
 以大軍往來所過驛乃居民不以爲苦反志遺愛焉
 而歷世廟食其亦賢矣乃數十年以來有妄指爲祀晉
 公者不知何所據依晉公於吾鄉無涉歷不應得祠當
 以府君爲是於是祠下父老懼其流傳日遠遂爲非奉
 之祀乃乞余爲碑以記之府君濟源人也其官山常州
 刺史遷蓋以進奉得之故唐史多貶
 詞然其定亂之功則有不可掩者

鬼谷先生祠在縣東六十里太白山夏侯曾先地志云鬼

谷子廟三面連山前有清溪泉源不竭山崖重疊雲霧蔽
虧郭璞曾到遊山詩曰清溪千餘仞中有一道士雲生梁
棟間風吹窗牖裏借問此阿誰云是鬼谷子卽此祠也乾道

圖經

太白廟在太白山之麓祀唐杜雍字世傑避裘甫之亂弃
子負母隱此躬耕以養徵之不起人感其孝歿而祠焉閩志

李侯祠在天童山景德禪寺千佛閣之東乾道圖經

上畫龍廟在縣東六十里東鳳山祀晉鮑蓋采訪冊

案相近有中畫龍廟勝畫龍廟又王家廟有樹蓬

廟皆其分祀也

東南

徵君廟在縣東南四里補陀寺西嘉靖元年里人張琰周

瑛重修嘉靖志

張琦記畧曰按舊志董孝子黯字叔達後漢和帝時人
世居鄆邑幼喪父獨與母居篤孝養母隣有惡子王寄
之母以黯能孝諷寄寄疾之伺黯外出毆辱其母死黯
悲痛悽隱恨不發既葬母及俟寄母沒亦葬乃操刃入
寄室斬寄首祭母墓自陳於官奏聞和帝詔釋其罪旌
賞異行召拜郎中不就後沒封純德徵君郎其故宅立
祠以祀之歲久祠壞唐大歷中刺史崔殷一嘗修之至
皇朝洪武初加封命有司每歲六月六日用特牲致祭
焉夫殺鮮報母義也葬而後舉禮也又俟誰之母死而
後舉仁也自陳於官請死勇也封拜而不就職介也一
孝立而五德盡焉在大賢君子所難况求之凡民哉而
東里舊有徵君行祠湫隘濕陋日就圯乃從舊宇之前
創為穿堂又衡為屋三楹又南築甬路直抵通衢立柱
石為門又南跨水為橋皆鞏壯可久與事於正德元年
畢事於嘉靖元年于里人也
方喜廟事之日新敬樂道之

鍾廉廟在縣東南十里宋慶元間建其廟額卽神姓名嘉靖

志後改建於縣東十五里神宋時爲縣令建鵲巢碑鄉民
卽碑旁立廟祀之明時碑再廢廟遷今地改額忠廉里人
卽鵲巢碑故址築石堰名廟堰後改堰爲碑又名廟堰碑

志不忘也旁有巷守之

采訪冊

費君廟在縣東南十五里相傳祀三國時費禕

采訪冊

銅盆浦龍神祠在縣東南二十里銅盆浦南禱雨輒應明

正統間里人陳處廷捨址建祠五世孫侃使琉球涉險感

神効靈捐俸重修

嘉靖志

明時賜祭歲用六月十七日

國朝仍之

聞志

乾崇廟在縣東南二十里月浦

采訪冊

案神姓齊名閻唐乾符間人有四弟闕爲國澤廟

神關為桃江廟神關為六村廟神關為西莊廟神
兄弟五人廟食一方所傳事迹無可徵信姑存其
略於此

天王廟在縣東南二十五里

采訪冊

金棠廟在縣東南二十五里元至正間建

嘉靖志

巖觀廟在縣東南三十里宋大中祥符間建明宏治中張

濃重修

嘉靖志

相傳祀漢梅福又有茂嶼廟亦其神也

采訪冊

顯跡廟在縣東南三十里青山下乃鮑王塚墓之所

寶慶志

唐天祐間立宋嘉定間里人陳伯墅重修捨田十餘畝及

卒縣令趙崇岳命鄉民祔祀於廟西今呼青山大廟

聞志

岳公行祠在縣東南三十五里

舊名下塔山廟

宋端平間以岳忠

武王飛嘗顯靈於此故祀之

聞志

飲飛行宮在縣東南三十五里城中靈翼廟之分祀也

梁誌

冊

嘉澤廟在縣東南四十里青山下宋郡守李夷庚唐縣令

陸南金之祠也

乾道圖經

宋治平元年鄞簿呂獻之建嘉定間

加侯封賜廟額元至順二年宣慰資善重建至正改元總

管王元恭重修入明廟祀

國朝康熙二十六年知府李煦據聞性道呈毀下塔山五

通祠改祀李陸二公

聞志

關杞記曰東平呂君獻之為鄞主簿之二年新錢湖之六隄屬節度推官石君聲叔刻辭以紀其詳而又考述其初不忘前人之功俾揭示來者乃立李陸之祠於其隄之旁始唐天寶間縣令陸公南金闢湖之廣為停菴

灌浸之饒歷宋天禧中太守李公夷庚補其舊之廢址
增築全固經畫以制使數鄉之民雖大暑甚旱而卒不
知有凶年之憂二公之功及乎明民可謂深且厚矣然
而民之安享其利無歲時之報是亦忘前人之施與况
於其法又宜祀之夫民莫不樂生而安業惡勞而就佚
朝廷責任於守宰者不獨愷悌其政亦將資以深思遠
慮厚其生殖物各遂其養故風俗淳而禮義行田野
安而獄訟息予觀循吏之治有功德以加於民者必久
而見思蓋以功則安而久以德則服而化雖相去數百
年猶想仰其風采豈不盛哉孟堅為黃霸等廩廩然庶
幾有德讓君子之遺風則二公之烈視之而無愧焉若
呂君之墜奪於衆多之議而卒就其功又能表二公之

祠以勸於後他日明民之懷思亦足以

繼二公之賢故予為之書而不敢讓

程端學記曰古之有功於民者廟食厥土載諸祀典世

世勿絕昭其報也後世淫祀既興民昧所趨有司莫或

正之正祀有時而廢若嘉澤廟是已嘉澤廟者惠應李

侯孚祐陸侯之祠也明郡地濱江海溝澮敷凌善洩難

瀦十日不雨民以旱告陸侯唐大歷間宰鄧卽城東三

十里因山環會築其斷闕為湖近百頃以灌以溉七鄉

之田餘百萬畝久而湮廢宋天禧間李侯守明循其遺
跡大築隄防為永遠計雖值旱而有年官民德之為建

祠宇青山之湖濱嘉定間錫廟額及二侯封諡以褒之
 誥勅具藏惠安浮屠遇旱蝗水潦有禱必應蓋有功德
 者精神不散而民心聚焉以靈是謂正祀近歲有司弗
 葺祠宇像設腐爛漸盡荒址蔓草過者愍焉予自史院
 歸田雨東念建言於守令而難其人適過浙東道宜慰
 司都元帥太平資善公來莅於明仁洽化行上下敕寧
 曰可矣往白之公慨然增感卽命經營俾鄞縣典史王
 君世英領其事首捐俸以倡餘力出於沽水利之家衆
 相告曰是吾心也富者效財貧者效力若子之趨父命
 也蓋上以義使下故民不知勞而事集始事於至順二
 年十月明年三月訖工前門後殿繚以石垣規模宏敞
 有加其度端冕儼然赫赫若臨設守者服役供灑掃復
 侵地三畝又將理舊業鳩財置田爲買葑計多王君之
 規也於是方伯率其屬祭於祠下乃屬予記本末予既
 肇其端遂不得辭傳曰凡事有其廢之莫敢舉也有其
 舉之莫敢廢也惟東湖作於人非若河庭彭蠡其區鉅
 野設於有天地之初也錫號加封記之郡志蓋有舉而
 自乎此廟之所以作也乃人事不繼非當廢而莫舉也
 莫廢也雖暫圯於一時乃人事不繼非當廢而莫舉也
 今其遇資善公之明豈天之報德報功者無已而假手
 於人耶使凡蒞茲郡邑者皆能以資善公之心爲心補
 其敝漏不使漸盡而復將易爲力而廟之存當與湖悠

久湖之澤物當與天地悠久若夫繼二侯修闕
 徹積葑戒侵奪之法則有前賢碑刻在茲不復論
 業恆記曰鄞縣東廿有五里廟曰嘉澤祠唐縣令陸侯
 未郡守李侯初陞侯築陸聯互諸山環而為湖以宿合
 衆流之水其廣殆千頃李侯加葺之六梁以虞其盈四
 碑以時其啟閉翔鳳等鄉甘有閭都以及定海旁近之
 田旱賴灌注民戴侯德治平初建祠湖上之青山復請
 於其上賜今額陸諱南金追封孚祐侯李諱夷庚追封
 惠應侯舊語竝在又置田若干畝以歲所入備民浚治
 以廣淳蓄祠既廢田亦散沒無稽治湖之役遂以不舉
 葑蔓日滋積塞彌廣有非人力所能勝矣元至順二年
 浙東道宣慰司都元帥太平公督近佐吏修復故祠嗣
 是積葑稍糜澄波浩渺靈輿赫著信乎其不可誣也至
 正改元置備田使臨澁浙河專理水事且詔郡縣農事
 官知渠堰事所以重民而務本也總管王君元恭欽承
 詔命奉職惟嵬明年春二月視農東郊推犁率耕竣事
 謁侯祠祀以少牢奠薦告求顧瞻祠宇屹處崇岡臨倚
 空碧風雨隳陵顛圮弗勝大懼不足以妥侯靈昭神惠
 乃屬有司復青山惠安寺之役節儲其費徵材僦工撤
 舊構新仍世主之於是除別朽蠹芟薙藁翳闢崖拓址
 樹石礎寢殿庭廡齋廡畢致堅良炳炳翬翬翬翬翬翬
 門則因其舊而加完焉作於四月庚申以九月丁丑訖

工載宵侯像離列殿居垂紳秉圭印印顛顛山祇水神
 持牙執筴跳梁嘯呼擁衛後先所以啟迪夫敬虔者其
 在茲乎又明年寺之主僧師訓介其父老請書其事於
 麗牲之石夫鄞際鉅海澇有所洩而獨以旱憂今有以
 禦旱則湖之利博矣由唐歷宋以至於今六百有餘歲
 民得憑恃以為生則侯之功大矣由今而往任民社於
 斯者景仰興起致力民庸其示勸於將來者遠矣然則
 是祠之興其可已乎況古之有功於民者祭之於社非
 直禦災捍患而已今天子聖明百神率職災沴不生文
 治休洽君能因人心之所嚮具宣德意勤民敬神是祠
 也不重煩而底於悠久豈非有
 關於治道乎誠不可以無記

乾坑寶磬廟縣東南五十里明洪武三年里人任功瑞建
嘉靖志

樓將軍廟縣東南五十里祀五代唐將軍樓求俗名橫溪

大廟嘉靖志按戴表元撰樓師默墓志云樓之籍在奉化忠

義鄉自十一世祖銀青光祿大夫茂邾始當唐季佐吳越

王爲鎮海節度往來駐屯二縣間誥詞有公忠奉節信義修身之褒晚歲愛奉化鄞陽鄉山水卜築而居之鄞人感其惠死而廟食於鄞之橫溪則此廟當祀樓茂郊無疑矣樓未之說亦傳譌也

聞志

櫟正廟在櫟溪之陽樓家澍樓將軍廟相距三里明成化

間知州楊浩建

嘉靖志

王荆公行祠在東錢湖安石嶺山之畔蓋當時垂澤於湖而祠之故山亦以其名爲名

聞志

大嵩城隍廟在縣東南九十里

采訪冊

天后宮在大嵩東門外

采訪冊

關帝廟在大嵩

采訪冊

方橋廟在大嵩相近有方橋菴

采訪冊

蘆簾廟在大嵩相傳祀唐裴肅相近有萬松廟江寧廟又

陶公山有上塔山廟鄒溪有鄒溪廟管江有管江廟童家

鼻有寶慶廟大鹽場有咸祥廟瞻琦有中堡廟舵撞廟裴

將軍廟前鳳上水俞家塘鼻許家鼻韓嶺隱崔嶺各有裴

君廟皆其神也

采訪冊

岱山廟在瞻琦明初自岱山分祀故稱岱山廟相傳祀唐

禮部尙書陳叔達舊在前山萬歷中遷西山之陽

國朝乾隆四十六年改建於石家園

采訪冊

楊公祠在縣東南九十五里

國朝雍正間邑令楊懿嘗開大嵩河築塘建壩以捍海潮

民德而祠之

采訪冊

祥符廟在縣東南九十五里

采訪冊

羅浦廟在縣東南一百里

采訪冊

管山廟在縣東南一百里

采訪冊

南

靈顯廟世傳鄭世忠建炎間至鄞死於王事邑人義而葬

之於金谷里陳畧後隆之原屢顯靈異開慶元年賜今額

延祐志縣南半里長春門外明守鄭珞祀南壇見神降壇改

稱靈感其一廟即在後隆山金谷園之墓前聞志乾隆四十

七年里人以地湫隘遷建於後洋河

采訪冊

康將軍廟在縣南四里許祀沙康之神宋元符間建

嘉靖志

董孝子廟在縣南郭外五里董母墓所

嘉靖志

王荆公行祠在城南古崇法寺內

聞志今廢采訪冊

臨江廟在縣南八里

采訪冊

新橋廟在縣南十里

采訪冊

俞聖君廟在縣南十里

采訪冊

上戊子廟在縣南十五里中戊子廟下戊子廟在縣南二

十五里三廟同一神相傳以戊子年建故名或云祀漢劉

植或云神姓艾杭州人

三茅志及采訪冊

會稽廟在縣南二十里相傳祀大禹之神

聞志

櫟社廟一名崇福廟在縣南二十里宋紹興間進士沈中立建

嘉靖志

劉侯廟在縣南二十里祀漢劉植

采訪冊

西林廟在縣南二十里祀唐白居易

采訪冊

趙清獻祠在縣南二十里祀宋趙抃又有察事官廟亦其

神也

采訪冊

蓉江廟在縣南二十里祀漢孔安國

三茅志

古塘廟在縣南二十五里

采訪冊

風塢廟在縣南三十里北渡南祀宋熙寧間邑令虞大寧

俗譌為風伯廟祀風伯之神

國朝康熙二十六年知府李煦據聞性道呈通詳改正

聞志

又有新風棚廟在楊家巉

采訪冊

吳將軍廟在縣南三十里宋大中祥符二年以有功民社

祠祀之逸其名

聞志

飲飛廟在縣南三十里祀黃晟

采訪冊

姜山小浦廟在縣南三十里

采訪冊

未豐廟在縣南三十五里

采訪冊

李判官廟在縣南三十五里祀元奉化州判李仕元俗名

堯頭廟

三茅志

東林廟縣南三十五里神姓張名仁聰唐會昌間荊州刺

史嘗施俸二千石於東林院僧人祠之

三茅志

豐樂廟縣南四十里祀宋學士魏君清元至正間建明成

化間里人張宗勉重修

嘉靖志

棟木廟縣南四十里祀唐魏顯賜額顯佑

嘉靖志

姜山廟縣南四十里祀王沐之神唐貞元間建嘉靖志貞元

間州刺史王沐有惠政故祀之聞志

張村廟縣南四十里祀唐陳叔達采訪冊

甘君廟縣南四十里神姓甘名戰許真君付以丹訣者三茅志

志

羅將軍廟在縣南四十里神名復原宋南渡時建三茅志

厲山廟縣南四十五里祀石守信嘉靖志

朱君廟縣南四十五里采訪冊

潘祖廟縣南四十五里采訪冊

萬林廟縣南四十五里采訪冊

樓公廟縣南四十五里采訪冊

鄞縣志 卷七 壇廟

唐君廟縣南五十里唐家堰左祀宋監船場唐意意熙寧

中由它山堰浚河引水自北而東又於蕙江北開河一帶

甃之以石民德而祠之采訪冊

蔣家廟縣南五十里采訪冊

呂濱司廟縣南五十里采訪冊

虞將軍廟縣南六十里采訪冊

懸慈廟縣南六十里采訪冊

童君廟縣南六十里又元貞橋雪山縣各有童君廟皆祀

善政侯也采訪冊

李君廟在縣南六十里百梁橋南相傳神名均唐太和中

為縣尉佐縣令王元暉築它山堰有功明洪武間建具呈事實

社壇廟縣南七十里又有新社壇廟

采訪冊

西南

大禹王廟縣西南十里嘉靖郡志訛為謝女王廟

國朝康熙二十六年知府李煦據聞性道呈改正

聞志

劉端公廟在府西南一十餘里

曹志

浮石廟縣西南十五里新莊硯宋知衡州薛朋龜歸休有五老會置別業名新莊時適有石浮水來止廟所因肖像

立祠故名浮石屢顯靈異元泰定間薛觀更新之贍田一

十五畝

嘉靖志

今薛氏衰鄉人立祀它山善政侯王公

聞志

周應浙記畧曰吾里浮石廟不傳其所自始廟本善政侯王公行祠後又以協佑侯沙公附焉相傳有石自它山浮至故名石至今存廟中質黝黑有光奇物也舊志不載張大同馬修郡志始列之又誤以為薛氏私廟蓋

時有薛晨與校讎欲私之以
自榮因易其額不足信也

蕭將軍廟縣西南二十里相傳祀蕭瑀嘉靖志

殷浦廟縣西南二十里寶慶志在長板橋西成化志神姓錢名

岳清宋嘉定二年張宗義建嘉靖志

案聞志云神姓名不傳宋嘉定九年里士郊思恭

有重建記張宗義嘗修廟東之石橋與張司馬志

異未知孰是

黃公林廟縣西南二十五里漢大里黃公歸隱之處地名

黃公林故有廟嘉靖志譌為黃姑林改祀桂林俞氏女

國朝康熙二十六年知府李煦據閩性道呈改正聞志

揚範詩曰郡志黃公墓鄉談河鼓林名成漢羽翼像設
女冠簪老杜十姨廟小姑千丈岑溪祠冬類此誰辨是

音說

昭惠廟縣西三十五里林村市其神姓黃逸其名東漢末人隱居仙女山下植柏於居前後人采食其葉可療痢病有水旱禱之輒應人立祠祀之

嘉靖志

縣西南三十五里舊

名黃柏廟在聖女山之巔後移林村市上按神姓黃名伯

王東漢瑯琊人流寓於此以醫藥濟人能救旱潦歿後鄉

人祠之祠前鑿井植黃柏二章宋慶歷間境中大疫神見

夢於人令汲井採柏烹而飲之如言果效柏葉為盡經宿

復茂紹定間賜廟額曰昭惠淳祐十二年封靈佑侯

聞志

秋浦廟縣西南三十五里

延祐志

戚浦廟舊名秋浦縣西南

桃浦橋東建於宋積瀆硤西面港壅塞守樓昇浚之鄉人

立祠祀焉

成化志

茅山靈應廟縣西南三十五里唐刺史張次宗孫仁皓之

祠

成化志

周汝弼記畧曰神初度靈光燭城暨長神武慈裕有經濟才仕歷兵馬鈐轄使黃巢亂草竊乘而起渚鴻離散公振威德撫之沒葬於茅山之陽屢著靈跡所司聞於朝得諡武惠遂立廟以祀焉時紹興年也開慶初神兵效順成淳中加諡靈應命始下上海分祠去然彼止稱靈應此乃完稱靈應武惠云

案寶慶志張宏傳六世祖張次宗唐會昌中為明

州刺史四世祖仁皓為兵馬鈐轄使廟食於奉化

茅山曰武惠四大王彼時之茅山蓋隸奉化也

葛菴廟縣西南三十五里相傳祀宋婁安世建炎初嘗拒

金兵者也

三茅志

周九郎廟宋紹興間旱里人周九郎祈雨雨通因立生祠
後燬元至元間見像於地人異之疫患應禱復祀之

三茅志

劉家堰廟神姓王名式唐僖宗時為都統將討平裘甫祠

祀

三茅志

常浦廟神姓陳名矜宋端拱間知明州有善政修常浦東

錢湖等禔民立祠熙寧間賜額忠惠

三茅志

銅山廟神姓傅名慶唐乾符間為明州刺史建斗門橋民

祀之

三茅志

豐惠廟神姓虞名傑

三茅志

利澤廟神姓宋名嗣宗唐天祐初為奉化令民懷其惠立

祠

三茅志

鄞縣志

卷七 壇廟

五

靈鷲廟神姓馬名稱德元延祐間知奉化州開濬瀦田民

立廟祀之

三茅志

三僊祠茅山西南隅祀茅盈茅固茅震

三茅志

陶靖節祠治平寺西

三茅志

史王祠茅山東南祀史浩

三茅志

先賢祠戚山西宋靖海軍節度副使貝自成建祀唐江南

東道採訪使齊澣浙東觀察使元稹明州刺史任侗應彪

奉化令趙察禮部尙書虞世南秘監賀知章宋郡守李夷

庚忠肅陳瓘清敏豐稷尙書楊佐文介陳禾文靖舒璘元

至元二年駙馬楊應淵包潛增祀宋制置使仇愈莊靖汪

大猷至正年圮

三茅志

阮令祠茅山東元阮申之泰定間宰鄞十一年持身端簡百廢具舉民不見吏至順元年捐貲建翊聖菴僧惠中祠之學士袁桷撰記三茅志

案蔦蔭廟以下道里未詳皆見三茅志

棋檯廟縣西南四十里宋開慶間里人聞時政修建相傳神事寡母至孝母愛食棋檯手植以供鄉鄰有親病者乞其果食之皆愈後人立廟樹所祀之今分東西二廟閩志

誠應廟在縣西南四十里石鼻有靈鰻能興雲雨寶慶志鄉

人立廟祀之宋嘉定間攝守程覃禱雨有應奏賜今額俗

稱石鼻廟嘉靖志在蔣山之北鼻閩志

魏觀記曰陰陽之氣運行於天地間乾坤其體而坎離其用也夫坎水也而中有陽焉離火也而中有陰焉以

坎之陽交離之陰二氣相繼水升火降而後沛為時雨
 百昌以生九穀以豐卦於象為泰雨之功其大矣哉
 或陽亢而不能感乎陰陰弱而不能受乎陽由是爍石
 流金之變作大地萬物焦然不得遂其生而否之證已
 成於是而有陽精焉口龍蟄於重淵之底而躍於太虛之
 表雲從之而興水挾之而立枯者映燥者潤其功足以
 轉否而為泰政猶夫婦乘而裕蠱之子出君民睽而碩
 蹇之臣用龍之功亦大矣哉故所在名山大川或有龍
 宅其間其變化之神則能隱能見能小能大歲一方早
 則各致禱焉案鄴志石臺山有龍井能興雲雨山去邑
 百南四十里高可千餘丈未至山之椒緣磴而下洞深
 數丈有古藤當道盤錯纏蔓人目為洞鎖洞行有潭三
 清徹鏡鬚髮兩傍石崖崩嶺如巨靈所辟者老口相授
 有它郡守先仕鄴認其靈異泊郡早穴庭下象三公潭陰
 祝得龜其中兩輒應因以靈龜名焉嘉定間程公覃以
 憲攝帥一再命錢令相顯躬展敬事皆隨得甘澤聞於
 朝賜額以口誠應實附庸於石象土祠之西地福屋矮
 且日頽以致非所以昭上思答神貺也峴自鍾官還里
 口祠栗懼無補惟願豐之心卷焉十餘年間嘗三率里
 人禱潭下或蛇而青或鯉而類或鱉修以黑厥有嘉應
 久欲新其祠未能也淳祐乙巳夏旱甚有巫降於里曰
 百能新我祠必雨翁曰諾翼日果沛然歲則大熟峴於

是勇為之倡衆亦樂為助既得水氏地一席以周其址
乃撤西廡正南鄉飭材鳩工宮居像設巍然炳然視昔
改觀蔣山一峯瀛其前儼如大賓咸以為稱明年春里
人合樂以落之爰作娛神之詞以報以祈云其詞曰龍
之蟄兮坎之宮藤洞鎮兮石揚空井列列兮水風風蒙
以養兮聖之功龍之騰兮天之戶海若從兮雲騰予化
甘霖兮膏下土德之施兮乾之普龍來兮翻翩鼉鼓兮
填填刑鶴兮奠桂靈子歌兮跣躡龍歸兮宛宛貝闕兮
珠淵魅有虐兮勿
眠未緩我兮豐年

力施廟縣西南四十里

寶慶志

相傳漢陳勝於唐貞觀間嘗

陰兵捍衛鄉土故稱力施

嘉靖志

石橋廟縣西南四十里蕙江南宋南渡時有節度使潘迪
者扈駕至鄞遂卜居於此歿而祀之今土名潘家帶者皆

其子孫

聞志

遺德廟縣西南四十里唐太和邑宰琅琊王侯元暉之祠

也自它山堰溉良田者凡數千頃民德之立祠以祀後封

善政侯乾道四年賜遺德廟額乾道經舊名善政侯祠每歲

用十月初十日記以剛鬣成化俗稱它山廟行祠四方甚

多賜額者惟天興廟志

蘇為記曰祭法曰法施於人則祭之能禦大災能捍大
患則祭之是知聲光垂於簡冊德馨於廟食者豈徒然
哉善政侯琅琊王公諱元暉冊封之典圖志載之後躬
按有唐太和年出佩銅章字人海傲時屬承寬之後躬
行阜俗之化以勤儉戒游惰以誠慤敦孝慈貪夫欲手
於袖間暴客屏跡於境外能使婚嫁有序悖獨有依他
民愁嘆我則民諧於議樂他民凋敝我則民豐乎衣食
詩所謂豈弟君子民之父母者與先是厥土連江厥田
宜稻每風濤作沴或水旱成災不若採石於山為隄為
防遇流於川以灌以溉通乎澗下之澤建乎不拔之基
能於歲時大獲民利故自它山堰既良田者凡數千頃
得非謂法施於人乎能禦大災乎則侯之為政也易俗
移風惠其生民沐義浸仁澤及來裔使未未之世猶受
其賜者不可勝數則觀昔西門豹之治鄴渠其治績似

猶過之矧今海縣晏清哲后求治一同之任非賢弗居
大博王君毅玉筭之班假墨綬之秩去民之害必杜其
漸興民之利必臻其源他日嚮侯之德聲譎其祠庭則
門榛砌蕪露尤甚乃嘆曰將何以勸民乎吾將新之
吏忻民懽風動草偃擇材揆日經之營之於是遷祠之
基止堰之上使汎舟者賴其德力農者懷其恩觀其廟
貌翬飛軒墉蔽虧及其庭也則若聆其片言升其堂也
則如聞其七絲我乃潔誠端簡饗神於祠是使遺愛之
道載彰嚴祭之禮斯備在江之許佑我蒸民嗚呼侯之
生也以子男之位能以善政被乎信其歿也以正直之
道能以不朽畱其神向若為唐鉅僚列爵重位必能霖
雨四海舟航巨川則貞觀之風不為遼哉知縣太博譽
播乎清華德施乎疲俗景慕先哲樹之休聲庶使享斯
廟者知仁政之可尚也為通理侯藩備熟激烈俾旌如
在無媿
直書

羊府廟縣西南四十里 采訪

天興廟縣西南四十五里王元暉之行祠也 志成 小溪洞

橋西上河沿嘉熙咸淳間旱暵疾癘盜賊悉能掇弭狀聞

於朝賜額天興嘉泰初里人黃彥興修建

聞志

王應麟記曰句章漢縣也隋省入鄞唐以鄞為明州其

後名鄉曰句章鎮曰小溪山水清遠地靈旁薄丞相文

節魏公杞國史吏部安公劉居焉吏部之子松陽主簿

庶謂余曰鎮之士神自唐迄宋分派它山廟食朝陽里

耄老相傳號為天興惠我嘉師祥慶響奮建炎兵燬祠

宇巋存嘉熙庚子札瘥胥漸迺禮饗若有所護家用

平康咸淳甲戌旱暵苗將槁籟禱之翌日雲油而沛甫

田登成明年盜弄鉏挺津浚梗塞闔境帖妥繫神之休

其列災禦惠施及降壤匪直福一方而已庶先君子率

鄉士民控於郡守部使者轉聞於朝下儀曹奉常議奏
賜廟額曰天興勅牒將頒而世故紛繼弗獲被成命然
舊績其在願書以詔永久余昔者長春官實與聞斯事
曷敢不諾相古先民有周命祀達於鄉遂水旱之不特
於黨鄙乎崇之而正師泣焉疾疢之弗獨相族鄰乎
之而師長滋焉正驛薦信義之修而禮之蕪惟以保艾
受民自里社廢鄉里缺越望非鬼之祭雜糅貫瀆是故
有功於民則祀之著於祭法職在秩宗教民祈報勿替
敬典無從匪彝無即怡謏禮之大經也惟茲有神式克
敷祐天氓銷沴為和易歛為豐成日耿耿社哉夫神聰
明正直而一依人而行士競乎教農力乎穡修其孝弟

忠信為德馨者
愈加肅畏矣

張聖君廟縣西南五十里祀宋蘇守張鱗鱗自蘇扈駕至
明有功卒祠於此其子孫因家焉嘉靖志

葛仙翁祠縣西南五十里祀鮑朴子又有湖山廟湖後廟
皆其神也采訪冊

蔣山廟縣西南五十里采訪冊

建魯廟縣西南五十里采訪冊

天井山顯濟廟在縣西南六十里延祐志其井有五在山上

有金線蜥蜴能興雨澤宋乾道二年制置趙伯圭建廟嘉
定九年提刑攝守程草奏賜顯濟廟額開慶初勅封第一

井龍神孚澤顯佑侯第二井龍神昭澤顯利侯第三井龍

神廣濟應惠侯第四井龍神和澤侯第五井龍神應澤侯
 元至正二十六年江浙行樞密副使張啟源請旨易封第
 一井廣佑孚澤侯第二井廣利昭澤侯第三井廣濟潤澤
 侯第四井廣惠利澤侯第五井廣施顯澤侯明萬歷十七
 年郡丞龍德孚攝縣事修廟歲用六月十六日致祭

國朝仍之志

張良臣記曰乾道二年郡自夏不雨六月制置敷學趙
 公分禱山川丁丑鄞尉趙君礪將命來龍井讀祝竟天
 油然作雲得蜥場二以歸戊子有司迎神甬水門至則
 猶不雨公亟起告中甫燎熏雨則大至越三日告足尉
 復奉神歸已事而竣俄有光發波間如叢炬復紅欲飛
 動下見龍之首甚大不違顏咫尺大復現小復現全體
 鱗甲煇煇有光久不沒陰風颺然見者魄變神動已而
 前二蜥場躍起注視尉若送歸者問旁香火老僧皆合
 爪歎未有再上其事七月建新祠拜神之休不忘良臣
 謂周漢之際咸有壯侯巨屏以衛王室晉介江甸迺有

琅瑯武王保釐東夏汝南交成總一淮許扶風梁王遷
据關右爰暨東廡作司并州雖托茲腹心而風迹不競
惟我敷學內自色養外以事君庶民無不誠惟誠故能
幽通萬物之情統宜有知者也故公命之不謬期而雨
施轉耗穀之憂為豐年之慶祈祠是營以安神娛於惟
休哉方尉之賦其事蓋勤又圖有言以見之良臣不肖
實拜其辱夫以羊登臨峴山而洪葦依以揚聲周吾
屬蔡筆撰屢得以奉公周旋異時依乘餘光圖寫金石
且有大於此者今姑志祠之所從
事以刻諸其側尚俾來者有考

顯胡廟 壽隆廟 靈顯廟 縣西南七十五里 采訪冊

柿林廟縣西南八十里祀宋儒游酢及邑人陳顯以二公

嘗講學往來柿林寓言士林也邵中丞基有碑記 采訪冊

大岐廟縣西南一百二十里 采訪冊

齋堂廟縣西南一百二十里神姓屠又有下齋堂廟亦其

神也 采訪冊

長沙廟縣西南一百二十里采訪冊

龍神殿龍王堂皆在西南一百二十里采訪冊

顯靈廟縣西南一百五十里采訪冊

未靈廟縣西南一百五十里采訪冊

羽靈廟縣西南一百五十里采訪冊

西

協佑侯行祠在西門外慶豐橋北乾隆二十九年里人范

懋儼捐建采訪冊

豐太守祠在大卿橋采訪冊

潮音堂在籐牆街南祀關帝采訪冊

吳刺史廟在西門外九里堰唐大歷間刺史吳謙有善政

郡民歎血而祠之宋王荆公宰鄞詣祠奉祀延祐志縣西四

里九里堰之旁成化志舊名九里廟閩志今名澤民廟亦稱吳

使君廟采訪冊

王安石詩曰山色湖光一樣清桑麻穀粟荷

王應麟記曰明自唐開元為州城西門外有祠者蓋云

大歷中州刺史吳侯廟也侯諱謙字德裕官水部員外

郎史策軼其傳郡乘缺其蹟遺愛在民歎血奉嘗春秋

薦蘭菊悠久弗懈余艘舟扶藜過廟下式瞻貌像問其

故則曰侯守是邦開西郊之湖膏澤滲漉甫田登成其

地為九里堰因以名廟歷載綿邈民猶曰吾使君也召

棠勿翦韋碑未刻王文公宰鄞為詩以識山色湖光之

句遺黎誦之余肅然歛歎斯所謂盛德至善民不能忘
者乎語鄉父老曰古者建祀以為民也民功曰庸自稷
以來是尊是奉以水佐耕豐稔於野為陂七門之祀芬
至今未沫惟明瀕海厥土瀉鹵歷選良守溉田興利孔
內史之於句章隲任刺史之於廣德湖皆載在簡牘今
惟鄭令之王列在祀與他無所紀侯之牧我民也不求
掉掉之譽而實德著於人心不為傲傲之政而流澤被

於後世若昔河南守吳公治為天下第一而史無可書
之事言漢循吏為稱首侯豈其苗裔與河南治聲止一
時侯自大歷迄今五百有餘載民思無斃於前修有光
焉咸以無心為感兌以無言為說此秉彝好德之良心
也越俗穢鬼史巫紛若邪詠妖誘匪禮經攸迪無知氓
不錫蒸亦罔能穀於赫仁賢食報茲上正大昭明允合
先聖王之祭法乘醴馨潔永永越享豐年叶氣惠我無
疆其孰曰不宜父老曰誥哉盍鏡諸麗牲之石時萬時
億承神嘉社余既書其事又作迎送神詩俾歌以侑其
辭曰坎擊鼓兮郭水許思仁侯兮昔召父隲九里兮醜
流為雨水決決兮芄芄麥黍鴻隙墮兮謠荳芋侯嘉蹟
兮依其在渚神之來兮颺輪兮俛寧宇神之歸兮娛瑤圃
忘侯兮歌且舞侯不忘民兮俛寧宇神之歸兮娛瑤圃
格顯穹分降多祐屢豐穰兮除疾苦年千世百兮保艾
吾土事侯如存兮侯其福
女敬其承祀兮無怠終古
又詩曰城西有祠臨水溪翠松列植路如砥問之耆老
此為誰唐大歷中吳刺史刺史為民開陂湖故蹟猶傳
堰九里年年簫鼓報豐穰決渠為雨潤澤美遠愛有橋
名懷恩姓名不載太史氏昔漢吳公治第一列傳寂寂
名無紀刺史豈其苗裔與明州政亦河南比堂上大書
荆公詩蘭菊春秋百世祀地志抵傳王長官有功於民

蓋一揆吾間是邦多賢守裴王碑字顏與李惟侯盛德著人心彼石可焚祠弗圯廣德湖為鴻隙陂召棠樂社誰敢毀統稔克羨侯之賜胸食長存如此水

石將軍廟縣西九里望春橋外成化志祀宋石守信相傳建

炎間高宗幸明州金人追之高橋之戰忽陰霧晝晦見神

兵被野有大旗前導號石將軍俄而金人奔駭為楊沂中

所敗高宗得航海故立廟祀之元劉仁本撰記稱石將軍

而不實指為守信明陸瑜記始實指之歲以五月十五日

郡邑致祭志

陸瑜記曰石將軍廟在郡城西九里世傳祀宋武威郡王按廟故籍王諱守信開封人建炎間王嘗顯靈茲土而有靖難之功也王始與宋祖同為周臣宋代周以佐命元勳遷王侍御馬步軍副都指揮使鎮歸德後破李筠平澤潞加同平章事從征李從進首克其城移鎮天平兼侍衛馬步軍都指揮使建隆三年請解兵柄加兼

侍中太平興國初加中書令為河南尹從征幽州授崇
信軍節度使兼中書令尋封衛國公薨年五十七贈尚
書令追封武威郡王諡武烈於戲宋室名將若王之威
勇智信者誠不多見宜其生為英傑歿為神明明世遠而
若存也當高宗幸浙金人南侵天步孔棘民罹塗炭高
禱之戰迫矣雖曰忠義用命以濟厥艱於是陰霧晝晦
但見神兵被野有大旗前導號曰石將軍俄而寇衆奔
駭為揚沂中所敗宋祥中興亦王之靈有以陰翊之也
故鄉民思其功而祀之廟以將軍稱然不徒當世祀之
至於奕世而不替者王可謂不爽其靈民可謂不違其
義矣今環廟之田皆昔之戰場道高橋而東顧瞻斯廟
棟宇翬飛喬木陰藹常若神旗之在目也積歲之久祀
事益修民有疾疢水旱之災官有督捕挂愆之及禱於
祠下莫不響應昔韓子為柳柳州生能澤其民死能驚
動禍福之以食其土可謂靈也已若王之靈豈不信哉
永樂中鄉民因是廟之舊嘗修之矣迨今三十禩殿瓦
剝脫懷折梁朽上雨旁風不堪蔽障及庭廡淺隘弗稱
神棲尸祝願順觀以其先捨地為基因世守其祠告於
耆彥袁潛等咸樂相成集材鳩工載修葺建於是重殿
夾廡崇門周垣丹堊輝煥規制一新像設孔嚴祈禱四
集報享不時頌牲馨醴簫鼓喧轟相踵於衢路始工於
正統庚申訖於丁卯袁公命其子陰陽正河成致書來

京祈余文以記厥成余嘗因是廟稽諸郡乘獨不載王
建炎之事豈以神妙莫測子所不語與至今鄉父老猶
能道之有述作寧不為過者之惑哉余故撫王
之成烈并著修廟之美蹟俾剗諸石垂信無斁

崇德祠縣西十五里賣麵橋明副使陳槐嘗力主湖民減
租議有德於鄉嘉靖二十三年鄉人請於郡守魏良貴立

祠聞志

張時徹記曰崇德祠者祠江西按察司副使牟湖陳公
也公故廣德湖人云廣德湖廢而田之者宋樓昇守
鄉郡會時多故詔有司能增租萬石者進階二級昇上
廢湖議量湖廣袤過而度之計田七百餘頃租四萬六
百餘石湖中有望春白鶴二山河渠壑墾不可田者槩
在筭中故租浮於田又以上中下三則則之上田畝
租八斗不田畝亦不下五六斗故佃田者胥病焉官責
之弗得輒逋去時雖有議復湖者竟不果逮明與名其
田曰官田佃田者如故例然租而不庸至宣德間巡撫
周文襄公忱奏減天下官租三分之一湖田租額槩得
減率而正統間民又以輕差均役告病矣至天順中得
從全折京庫銀例而太守張公瓚以湖田四十畝準民

田十畝為丁湖民始駐嗣後常法浸改折銀稍均之
 他田至正德初徵歛倍起民困日亟老稚繩繩委溝壑
 流亡者十且八九野笑白晝不烟行者指湖為穿而居
 者視田為獄時有胡福首嘗疏籲於朝輒報聞罷乃儒
 士楊欽者起而破產走京師凡三上書丐乞復至折例
 時半湖陳公為郎司寇適又湖產也知湖賦害為悉乃
 與天子近御之臣陳說首尾開設其可否而怨恚之始
 得俞旨而外又與太守林公富暨諸當事者策畫劑之
 林乃力主斯議核上其事周所遜避而楊之說竟行每
 湖米石折輸銀二錢五分歲以為常湖民乃獲更生如
 蹟者起而骨者肉也繼而竈民桑錦等又繼而朱銘等
 各奏告陳說欲毀初議陳公則又備述民瘼力為抗特
 及巡按謝公蘭始以奏上下藩臬會議卒如欽請勅官
 司妄有紛更若奸民詭訴者聽司道按治之其事始定
 夫欽以一布衣踰走萬里上于天子闕庭使無有力
 者居左右關說乃草澤閭閻之隱痛詎遠得收郵哉今
 徒以只尺之書使上下同心中外弗異持而卒活疲瘵
 之命將孰為之耶及錦銘以偏辭搖上聽緝緝不寧非
 公為之先後抵排又何以寢羣譁而流王澤乎乃湖民
 為祠祀林與楊以報稱功德欲併祀陳公者數矣而公
 力謝不可比公既歿郡父老則匍匐抵郡庭頓首請曰
 微揚生不自羣畔之情微陳公不成揚生之志某等得

以長子孫而康粒食疇之賜乎此而不報非人也惟明
府則憐之於是郡守魏公良貴退而諷之果信既允其
請乃即申明旌善二亭廢址堂而肖像其中歲正月十
有九日釀金而祭之公子良言又復以己地償焉余嘗
覽纓綬之士率秦越里中人瘠肥不相恤也甚者鷹攫
豺噬挹其膏脂而啖之挾矣庸有仁心惻但視萌黎患
苦若已溝壑之哉不憚引掖之勞以剪于百年之害古
稱鄉先生歿而可祭於社如陳公者非其人耶公勛業
行誼昭播士林與諸父老請祠之詞茲不復詳

而獨詳湖事公名槐字公輔半湖其別號云

全祖望曰半湖陳公諱槐鄞人以宏治乙丑進士累官

湖廣按察副使家居鸞詎湖上嘗力為湖民請減租湖

民德之立祠祀焉予謂公有大功於民常享廟食於國

者不僅區區湖田之遺愛也即世之稱公者亦但以其

勤王之舉而豈知其當食報者正不止此公之以寧藩

獻俘也武宗方畱南京命浙直進地圖常州之惠山蘇

之太湖虎邱徽之黃山杭之西湖紹興之蘭亭寧之補

陀皆將行幸焉是蓋江彬輩導之以為浴途索賄計也

公從容謂張未口傳聞聖躬已違和而此曹戒行未已

六龍輕馳無乃危乎未瞿然曰公言及此國之幸也乃

亟以告劉夫人始決計還京不然將寧藩之禍甫息而

鼎湖在道江彬之逆幾有不可知者雖有明宗社之靈

實陰相公之言願扈從諸大臣媿入地矣已而武宗抵
京晏駕楊閣學石齋欲留四外家邊兵彈壓皇城部議
亦將從之張未以問公公曰是皆江彬羽翼也速驅之
尙恐後而反置之臥榻之旁乎未乃遣白太后令速回
邊衛石齋聞而亦悟即日遣之越五日而禽彬矣向使
邊兵不去禽彬之日豈能帖然安靜無事卽令驅除如
反手而要不能無所夷傷嗚呼是皆所謂社稷之功也
古之鈞輔大臣有行之者亦足勒名旂常世享茅土而
公以奉使遠臣借茲前箸措天下於泰山之安不必功
名之歸已不亦偉與而惜乎明之不竟其用也初公之
由武昌移撫州也力爲撫軍孫公言寧藩恣威厲而陵
大臣當豫爲之謀孫公報以八月月中出巡應相見密計
不料其不逮八月也公又請令各府選兵會操巡道許
公行之不密寧藩覺而避之曲突徙薪公之所防蚤矣
事旣裂公以素有儲備卽起兵前哨甫至城已下統兵
官皆儒將無紀律城中烟火赫然將軍中尉之府均所
不免公急斬部下前哨違禁者七人始戢故公勤王戰
功雖亞於伍戴諸公然其保護生靈則第一也王公迎
駕以公從張本要之於路宜旨索俘公謂當予之而輕
騎朝行在費閣學獨亦然之王公不聽於是張忠輩
之譖行而王公卒不得獻俘公料事之精如此公旣畫
策以遣邊兵楊閣學偉之乃屬公草遺詔事宜公具十

事以進其中有連勳衛及中官者石齋不能用而御史
楊材以公舊吏有怨遂誣劾之桂閣學從中主之公角
中歸第口不言功其卒也遺田三十餘畝而已雍正甲
辰予拜謁崇德祠下讀東沙尚書碑其於湖田之事備
矣而大者有未及陳氏裔孫環祠而居以公之半湖日
錄示予并乞第二碑文予不敢辭其銘曰昔明中葉吳
淞不戢江楚岌岌使君出守網繆戶牖脩尾瘡口鞠旅
勤王過茲暴戾其功洋洋穆滿志荒扶病以狂誰促歸
裝逆奄負乘待斃而逞誰制死命滿朝大臣絀口不聞
乃賴使君不動聲色廟謨以植奠安磐石功高受謗乃
歸湖上浮雲得喪勾餘枓社重征曷謝息肩是藉湖民
報公伐鼓攷鐘世世弗靡嗟哉偉烈宜銘石室胡然遺
併西郭之陽山高水長神旂央央英爽猶存臨茲湖民
并其耳孫重日有安社稷臣置之疎迷匪徒遠之又從
下之石誰秉國
鈞可為太息

義忠王廟縣西一十六里接待亭西成化志祀東晉鄞令梁

山伯安帝時劉裕奏封義忠王令有司立廟祀之嘉靖志

李茂誠記曰神諱處仁字山伯姓梁氏會稽人也神母
夢口貫懷孕十二月時東晉穆帝永和壬子三月一日

分瑞而生幼聰慧有奇長就學篤好墳典嘗從明師過
 錢塘道逢一子容止端偉負笈攜簞渡航相與坐而問
 曰子為誰曰姓祝名貞字信齋曰奚自曰上虞之鄉奚
 適曰師氏在邇從容與之討論旨與怡然相得神乃曰
 家山相連予不敏攀鱗附翼望不為異於是樂然同往
 肄業三年祝思親而先返後二年山伯亦歸省之上虞
 訪信齋舉無識者一叟笑曰我知之矣善屬文者其祝
 氏九娘英臺乎踵門引見詩酒而別山伯悵然始知其
 為女子也退而慕其清白告父母求婚奈何已許鄧城
 廊頭馬氏弗克神明然歎曰生當封侯死當廟食區區
 何足論也後簡文帝舉賢良郡以神應召詔為鄧令嬰
 疾勿瘳囑侍人曰鄧西清道源九隴墟為葬之地頃日
 而殂寧康癸酉八月十六日辰時也郡人不日為之塋
 焉又明年乙亥暮春丙子祝適馬氏乘流西來波濤勃
 興舟航縈迴莫進駭問篙師指曰無他乃山伯梁令之
 新塚得非怪與英臺遂臨塚奠哀慟地裂而埋璧焉從
 者驚引其裾風裂若雲飛至董谿西嶼而墜之馬氏言
 官開郡巨蛇護塚不果郡以事異聞於朝丞相謝安奏
 請封義婦塚勒石江左至安帝丁酉秋孫恩寇會稽及
 鄧妖黨棄碑於江太尉劉裕討之神乃夢裕以助夜果
 烽燧熒煌兵甲隱見賊遁入海裕嘉奏聞帝以神功顯
 雄褒封義忠神聖王令有司立廟焉越有梁王祠西嶼

有前後二黃裙會稽廟民間凡旱潦疫癘商旅不測禱
之輒應宋大觀元年季春詔集九域圖志及十道四蕃
志事實可考夫記者紀也以紀其傳不朽云爾為之詞
曰生同師道人正其倫死同窀穸天合其姻神功於國
膏澤於民諡義諡忠以祀
以種名輝不朽日新又新

德惠祠縣西十六里祀明知府林富及邑士楊欽正德八

年建

嘉靖志

陳槐記略曰寧波府治西僅舍許有湖一區名曰廣德
會鳳舉棧源諸水滂而為湖西鄉都高麗使宋以道
實隸於鄞宋政和間樓昇典鄉都會高麗使宋以道
梗於金人由海趨明入貢昇以傳餼弗克迺請於朝得
決隄去壩聖而成田凡入百餘頃課租四萬石以資國
用民之裁湖田者惟納租而差發不與末樂初田為軍
人奪屯民多失業時者民任朝善陳於朝得請復民宜
德正統間官多匪政法改常度而租調興焉民始告病
矣明周文襄公忱奏減天下官田賦三分之一適孝感
張公瓚來守郡首詢民瘼量寬征役而佃湖之民始甦
白茲以後差發日急湖之民病科征而逃亡者日衆浸
淫至正德初益甚允恭憫鄉人之困鬻資為費走京師

鄞縣志

卷七

壇廟

三

其陳湖民重困逃亡之由援慈溪花嶼湖田全折之例
以上天子允其奏戶部移案於浙之藩臬有司咸覈得
實乃如所奏與民全折時董糧儲馬參政牽制其事既
行而中止允恭三上其情并論牽制之弊奸胥狡吏雖
置於法而時方多事有司內懷疑懼莫敢先發賴郡守
蕭陽林公獨斷於已數言於衆曰上不失朝廷惟正之
供下可以舒湖民偏重之困上下帖然無或異議竟得
全折如花嶼湖之例民困始舒權若更生端自正德八
年也湖之民感林公之德食允恭之惠頌之於官
立祠樹碑以表里居林公名富字守仁允恭名欽

三成廟在縣西十六里新橋右宋景定二年建嘉靖吳潛

寶祐四年任開慶元年去嘉靖志言景定二年建廟誤也

蓋始建於開慶告成於景定耳間志

吳潛記略曰皇宋南符以來變置罍湖以業黎庶以裕
園用於是石塘以東春橋以西鞠為民居者無慮數百
家余以路移於塘北河渠縱橫行途不便乃東開新河
而建高橋庶濟徒涉之勞然訪古建國必立壇壝以為
民禦災捍患顧家國一理其可以義起者乎故百家土
祠屢屢有之乃會鄉之同志共議所立識者因廣靈王

廟鮑侯威靈神異卓冠羣英生有吞日之兆長有射濤
之異沒有遷邑之歌移粟之惠口師膠舟之助雨暘應
祈之感至今民物咸賴其德建炎四年高皇帝南巡護
風如履平地載在碑銘班班可考若主斯土必沐其休
盡請為行祠以鎮之余乃咨諸父老編閱郡神願從公
議以為安居之計遂卜良日鳩工而經之余則捐俸易
址二畝陳氏俞氏則捐金二百餘自開慶己未歲孟春
三日首事歷景定辛酉仲夏既望祠宇告成廟貌攸好
凡我百姓莫不恪承庶幾明神尚鑒
祐之用是鏡石著其始末如此云

鋒頭廟縣西十七里祀宋楊沂中

采訪冊

豐惠廟在廣德湖之望春山政和七年樓昇守鄉郡墾湖
為田人為立祠其孫鑰參知政事追封太師嘉定二年府
以士民之請上於朝賜廟額寶慶志縣西十八里俗呼樓太

師廟問志

案昇墾湖為田官田無直八百頃歲入米僅二萬

碩佃田者所得數倍故湖上之民德之始祀於靈
波廟中旋又別建廟於十字港之東非必如勾餘
土音謂樓氏盛於南宋因得立祀也然西七鄉之
民資湖灌溉雨暘時若河水不竭則誠與東鄉之
有湖者等若夏秋亢旱則獨有旱患矣此王正己
廢湖辯之不能無遺議也四明重山深阻萬壑分
流全賴東湖以蓄之凡堰碶隄岸最爲緊要廢者
不可復存者當加意矣

惠民祠縣西二十里十字港祀明莊簡閩淵正德間楊欽
奏湖田折銀事淵有力焉每歲三月十九諱日湖民釀祭

周相記曰惠民祠太保石塘開公也太保惠鄉民
 惠之深及太保生祠之云按鄞清道鄉有官田七百九
 頃宋樓昇典鄉郡請於朝廢廣德湖田之三等入租以
 備應奉及迎送高麗使臣之費初民無直受田輸租不
 言病且競利之日久稍稍流轉即稍稍有直及於今增
 至或有與民田等直者即病租不與民田等稅大不平
 矣雖有司稍調停之卒未得等民田稅十之一正德初
 湖民胡福奏乞折銀報罷儒士楊欽再疏再寢三疏而
 太保以天官大夫在朝乃首尾力陳當議處覆允之詳
 於蜀堯大僚大僚重大夫才行穎脫素不妄言言必關
 天下休戚剔其鄉隱重以為然時莆陽林省吾公富守
 郡聞而是之被牒嚴責力主之定議租一石折輸銀二
 錢五分列於觀風要以必信如議上請卒得俞旨行且
 為何故後雖有竈民桑錦朱銘等往往各持議撓奪得
 卒不搖民起惠之為建祠歲時報祭以楊欽太保柄
 用民不敢舉印心則拳拳也官田得全折銀民方幸更
 生故事官折銀輸京帑不貸災民折銀存用得貸災官
 田得折銀後若干年間每遇災民復惶惶三紀於茲矣
 歲已酉太保蒙恩聖天子重優大老暫許懸車其明年
 造過災放貸當故事無闕官以愨太保太保為開設其
 故於有司用得與民折通融定一切之法又近海上多
 故兵不繼費督府定議暫取盈於丁糧徒糧以石計料

銀卽不及計民糧與官糧異額也此民之隱卽有司亦
不易悉太保復爲陳之卒得與民田糧上下其議而損
益之雖不盡同不至如前大懸絕也夫官田得全折銀
輕矣拘於故事不得貸災猶夫折也得貸災不負於輕
良拘於重則科費猶夫折與貸也太保言之太守能聽
之曲爲計度減官之半滑民之半官本重半減雖未盡
等於民得之望外自足爲恩民素輕半增雖不盡甘於
官加之毫末夫爲大害况今之官田流轉繁縣之民莫
不官田莫不民田其增之故之固民增之而民減之猶
人失之而人得之也神化使宜可出不知之道乎所以
上從下僉裕國安民事有終而惠有成雖百世可知矣
嗟乎政和迄今四百有餘歲事不謀始善終其難乃爾
廢湖是不是成事不必論租而不稅試可失之遠哉微
太保百世其如租何百世之惠自當百世感之報之非
謂之不可雖太保固辭之竊知其不可乃不日鄉民胡欽
輩以禍成來告且乞言爲記事之巔末祠擬太守同祠
格於見任太守而蜀周迪齋公希哲太保名淵字靜中
石塘其別號立朝事業列之旂常掌於太史不復
詳祠在縣西二十里十字港坐所縣清道鄉云

張循王廟宋寶祐五年吳公潛旣成高橋於其西作新廟

肖像祠焉

開慶續志

又縣西五十五里有張將軍廟亦祀俊

采訪

冊

全祖望曰高橋之捷為南渡十三戰功之首又為四大捷之首而飽掠違夫使其君有館頭之行其民被屠尙可言功乎故自明以來皆言張俊之廟當毀固也但其時之有功吾鄉而應記者則正不少予謂當改張俊之廟以祀之謹議如左張俊之自越州至也宿衛盡登舟俊欲扈行上賜手書勉以捍寇成功俊猶狐疑有隱士劉相如不知何所人也故大俠以忠義力勸之且為畫策俊始揭榜通衢下令迎敵於是高橋之捷深寧先生以為相如之功不在三老董公之下當祀劉隱君第一初衛士畏航海欲作亂宰相呂頤浩幾為所害其扈從定亂者則辛統制兄弟也當祀辛統制金宗末宗第也集鄉兵一千餘人於泉口三戰金人不能入而退於是奉化猶完軍費至萬餘緡皆脩任之事定日不言功當祀李董任三公第三癸卯之戰楊沂中趙密田師中李質皆有功已而皆隨俊走是日力闕而死者裨將党用邱橫也當祀党邱二將軍等四張俊既走金人直下定海將犯昌國御舟相隔僅一宿耳提領海船張公裕

鄞縣志

卷七 壇廟

七

擊破之於琦頭金人始返是尤功之大者當祀張提領
第五金人以降人蔣安義為知州而去慈谿令林叔豹
引軍入州杖殺安義盡戮金人之居開元寺者當祀林
令君第六車駕還明張刺史汝舟應奉簡儉粗完而已
及行以汝舟為中書門下省檢發公事官先是台守晁
汝為儲特豐備大擾民上特遷汝舟一官褒其簡儉以
愧汝為當祀張刺史第七他如李顯忠鄭世忠潘迪村
愷張鱗相傳皆以扈從死者其有廟也雖非張俊比然
數公反不得祀非吾鄉之闕
歟請質之鄉論以為何如

薛侯廟在縣西二十里高橋東北相傳祀唐薛仁貴宋南

渡時建嘉靖間御史章蕪復建新廟於塘東

采訪冊

靈波廟在縣西廣德湖望春山即白龍祠也

寶慶志

唐賜額

靈龍封廣德宣聖王宋熙寧七年改賜今額宰張珣奉勅

建

延祐志

白龍王廟縣西二十里靈波之別廟也

寶慶志

朱將軍廟在縣西二十里采訪冊

九里浦廟在縣西二十里采訪冊

石塘廟縣西二十五里分祀善政侯王元暉侯嘗建石塘

磯月塘灣鄉人祀之采訪冊

應舉廟縣西三十五里祀漢蕭何又有蕭王廟采訪冊

白鶴山廟縣西三十五里唐咸通間建別廟一在縣西二

十五里名新廟聞志

案南豐廣德湖記云為二亭於隄上與望春白鶴

山相直因以其山名山之上為廟一以祠神之主

此湖者一以祠吏之有功於此湖者然則白鶴山

廟祀賢吏而望春山廟則祀湖神所謂靈波廟者

張珣改爲望春山廟而今猶仍其名歟

西魯廟縣西三十五里西魯山之陽相傳祀漢鄧侯蕭何

以城中有蕭王廟神嘗效靈於此故分祀之聞志

裴聖君廟縣西三十五里潘魯山之陽祀唐大歷刺史裴

傲聞志

王密撰紀德碣銘曰皇唐御神器一百四十二載天下
大康而海隅小寇敢肆蕪毒結亂於厥越而句章口口
口之口戰卒數萬皆出此之故是郡罹災逾苦井邑焚
蕪遺骸積而不掩生民僅有存者口口未完其危猶未
安天子哀之訪擇可以子物極歿者以鎮仁之乃命長
安令河東裴傲駁於茲邦詔書既下而罷民歎煦若幼
子之望慈父焉口形猶負來則改台創瘡之境熙熙如
衣之食之一年而驚逋復田疇闢茨塾興然後以禮義
利物之教教之人之器察者教之以溫恭博質人之并
服說髮者教以儀飭之度人之匱財乏食者教以耕耨
之事郡吏懷其仁而畏其嚴罔敢射其利焉故爲政三
年其賞人也不用財其勵人也不口口於戲長人之體

不一若乃華夏之人習性素純其理之也可期月而致
若海濤之人土風口口暴殘嗜殺寬之則法令非行威
之則圖視而兇心勃生其欲馴之也難矣哉及口公之
化口口俗為鄒魯使父子長幼各得其宜則知中庸清
靜之德感人深矣夫理一邑而能人和口口者則可以
移乎一郡而能導之以德教者則可以施於天下公之
所理之行豈止郡邑而已實宜佐彼大化輔皇上下以昌
經邦國以康調元氣於陰陽者也公尊而遷秋州民其
思願紀詞於碑余忝躡高蹤竊跡前事敢不頌厥美則
諸億祀銘曰美裴公今肅肅清風純和積中令德顯融
爰踐華省爰宰赤城克成厥功帝曰咨爾休懿可建
於東美裴公今於郡斯牧是祇是肅化流比屋變此口
風迄成魯俗人之父母匪公而誰慰我俾獨美裴公兮
胡棄我而適他邦雜我下民思心徘徊殷焉不忘願頌
休績播億萬
載刊於珪璋

啟孤廟在縣西三十五里資教寺西相傳祀宋忠臣袁鏞
其地卽鏞盡節之所時鏞家人凡十七人自西山上塚回
舟次鼈山聞變皆赴水死惟遺孤六歲鄉人立廟祀鏞曰

啟孤也今祀戶凡十八家多一家則有一家故絕或他徙少一家必有自他村遷居其地者足之蓋適符殉節之數

云西袁氏家乘

今譌為天仙聖廟

采訪冊

忠烈汪王廟縣西五十里

采訪冊

胡將軍廟縣西五十里宋時建神名淵國

采訪冊

朱君廟縣西五十里

采訪冊

秦始皇廟縣西五十里翁巖亦有始皇廟

采訪冊

西北

忠佑廟縣北門外將軍名植封昌成侯或謂侯氏劉避錢

鏐嫌名故改曰釗

至正續志

保豐碑側晉建武初立賜今額俗

稱北郭廟至正二十三年加昌城武烈公

聞志

袁士元記曰鄆城北出門數百舉武踰保豐奕有古廟
 額曰忠佑神曰昌城侯歷世滋久揚靈愈昭城西北內
 外連薨聚居之民里社幾萬餘家歲時展事惟謹呂氏
 代為廟史能歷紀其績以及歷代褒封之典傳以迄今
 我朝東南海漕達於京師神之効靈尤彰奉詔加封將
 刻石以揚神休廟史屬里人之知言者章叔明列狀請
 記余領職翰林嘗附海舟知其靈因不辭按狀侯姓劉
 氏名植守伯先鉅鹿昌城人漢雲臺二十八將之驍騎
 將軍也光武中與嘗渡浙水至鄧牧奴家封鄧為牧奴
 縣事見太平寰宇記竊思先武草創之際越江浙海雲
 臺貌虎之臣必有執羈勒以從者則劉侯之揚靈茲土
 蓋其生前所涉効功之所生奚自而候至哉鄧即鄆地
 鄆固濱海之邦島嶼估險作姦時或有之典午氏之東
 建武初年寇犯郡城侯修現旗蕙雲霄中昭示雲臺將
 軍名號寇疑懼而退由是威靈振揚郡上聞封東晉護
 國昌城侯賜廟額忠佑俾民社得以展事後隆安間台
 寇孫恩復駕船千艘事抄掠侯仍現旗號如前寇方驚
 疑適大將軍劉裕兵至攻却之繼而百粵烏尾船入寇
 劉牢之將兵至以同宵出祭禱於神即奏功旋師其効
 靈於晉室而廟食者以此由晉而臻及於唐季神之靈
 異故有石刻紀績煅於兵火廟史所書得其一二在劉
 宋則以劉姓犯國姓去卯為劍在錢鏐則以方言聲相

鄆縣志

卷七

壇廟

堯

近呼釗為焦承訛襲謬無從質究今亦不復識別而其
神靈則猶一日也自侯廟所越江十里許為慈谿縣境
有驃騎將軍廟境人沙誠者負氣抗直人以權禁誣之
義不屈辱即含怒立死於驃騎廟中逮捕人至忽現相
雲霄間恍惚聲呼曰我在此人咸驚異因像設於驃騎
廟神事之人或走叩靈應持甚遠近聞者多迎致其神
展奉於它祠我里大家白於官亦得像設於侯廟東廡
苦從祀神由是里社有祈有報或牲牢致祭殆享無間
洋洋如在有以慰答人心之趨嚮廟之靈應愈加顯聞
宋宣和間封雲霄檢察使豈其神氣相為感孚潛通默
會相資以闡神用人固莫測其所以然也入我皇元神
用尤彰舉其要者國家建都於燕多預東南海漕以資
頒祿巨浸茫茫四無畔或長風駕浪滔天沃日之勢
智力所不能周惟倉卒呼號神明頽以善濟近中原路
梗守臣役善水之卒倚舟楫為通衢乃至元二十三年
相載之艘至雞鳴山連日颶風霧晦冥莫知向方漕
臣棹夫同心叩禱神火徧現若自天降豁然開雲如夜
斯曉既達於京具辭上聞加封昌城劉侯武烈公沙使
協佑侯廟額如故漕臣汪子美領命還鄞藩府俾礫牲
致祭以慶嘉刻石以示將來余謂武烈公乘英靈魂
奇之氣於天生致侯封署勳雲臺沒而為神顧乃廟食
於海濱三數千里舊涉之地歷千數百年累更世主乃

今加封進爵施及從類愈久彌彰致使粉榆之民尊之若前信如著龜雖歲時樂神之會儀從習俗鼓鼙歌管之音聞於市巷一時里閭之人相歡相屬和輯於隣井之間使各安其生業子孫保之公之惠不既多哉可但禦災捍患之在祀典而已也因撫廟史之辭為記使刻諸石

金仙廟縣西北七里

采訪冊

清灣廟縣西北七里

采訪冊

北

羊府廟縣北和義門外祀唐刺史羊僕僖宗時僕權明州刺史台寇劉文犯境率部將黃晟討平之又授方畧俾完築州城遂屹然成重鎮昭宗時實授刺史廟屢燬屢建別廟在西南四十里石馬塘明崇禎間建

聞志

顯德廟縣北三里桃花渡北神姓姚名器凡海艘遇颶者

鄞縣志

卷七

壇廟

七

禱卽應元大德間都漕運萬戶盧榮捐貲建明成化元年

盧瑞重修

聞志

關聖殿在縣北三里

采訪冊

余使君廟縣北三里桃花渡北相傳使君嘗入海求藥術

精修煉白日飛昇境有水旱盜賊禱之卽應民德而祠之

元至正間里人屠順重修

聞志

使君名楷字玉成洪都人嘗

為渤海太守

余啟芳撰碑

毛府君廟縣北七里

采訪冊

東北

梅墟廟漢梅福祠宋陳安孫死鄉人遇於東海云吾為境

主遷祠善慶橋改額大新

成化志

縣東北三十里相傳福挂

冠京游嘗寓於此舊志載陳安孫事且改廟為大新殊失
不經歲久廟圯明成化間里人錢義象重建仍祀福云闕志
國朝乾隆十年里人呈請春秋祀典知府魏 詳司批准

行縣捐辦主祭

具呈事實

案成化志以前未嘗載梅福廟以地名廟亦古者
里社之意不見其為改名也

尚書廟在縣東北三十里祀宋尚書范楷

采訪冊

鄞縣志卷七終